

東
華
續
錄

光緒九十

臣朱壽朋敬編

臣潘鴻鼎恭校

秋七月辛亥朔時享 太廟 上親詣行禮○謙福奏承德府屬榆樹溝煤礦前因熱河開辦礦務機器需煤孔殷擬請就近採用奏奉 硃批該部議奏旋准議奏行令繪圖貼說將該處煤礦隸於何屬境內有無關礙民田產業及四至里數逐一註明並是否招商抑係官辦暨如何設法嚴防以杜流弊一併籌議再行奏明核辦等因咨覆前來當經分飭遵照卽據承辦礦務直隸候補道朱其詔稟明該處煤礦委係官辦並未招商承充並據熱河道德克精額另派委員勘明榆樹溝煤礦係屬承德府轄境該山附近並無民田產業亦無關礙之處繪圖貼說註明四至里數詳送奏咨前來奴才查榆樹溝煤礦原不在光緒九年前任都統成格奏奉 上諭准其開採之列現因辦理礦務緊要機器需煤孔殷前准直隸督臣李鴻章咨會飭令該道朱其詔於該礦左近採煤應用而該礦左近除榆樹溝煤礦之外並無另有可採煤礦是以奴才奏請變通辦理誠爲一時權宜成全礦務起見現在既經遵照部議覆勘委無關礙之處自應奏請 飭部連議一俟議准咨覆到日卽責成該道朱其詔自行僱覓附近煤礦本地居民開採不

准招集外來無業游民滋生事端一面諭令承德府嚴飭該礦附近汛及該管鄉牌不時巡查認真彈壓如果開有成效再飭該道朱其詔會同熱河道承德府妥議章程詳由奴才查核咨部核辦下工部議奏○壬子以許廣身為兵部尚書○調孫毓汶為吏部右侍郎轉徐用儀為工部左侍郎以汪鳴鑾為工部右侍郎○會國荃等奏據廬州府知府黃雲臺合肥縣知縣孫葆田署廬州營都司李泰食粟稱合肥西鄉匪首劉文暢藉家務為名聚眾械鬪經該府會營督縣馳往開導令其解散黨類釋兵自歸該逆置若罔聞兇悍日甚該府等業經督率練兵力為抵制飛請撥營前來並准福建臺灣巡撫臣劉銘傳電稱族匪劉文暢聚眾數百人聲言謀反已將劉盛錦住宅佔去應請速撥營勇拿辦臣李鴻章亦電同前由臣國荃即派江安營務處記名提督前壽春鎮總兵郭寶昌酌帶淮揚水師礮船馳往查辦如需兵力准即近調撥所部卓勝軍應用臣奏派管帶練軍前營副將徐士衡馳往會同查辦旋派練軍馬步隊由舒桐一帶馳往壽春鎮總兵任祖文亦派副將劉思忠帶領練軍左營步隊三百名馬隊四十名馳往旋據報該鎮亦自行酌帶馬隊前往詎該逆於此數日內輒率眾先後攻打劉大文劉盛楊住宅佔據附近青楓等處要隘劫奪行旅並勾結黃梅教匪及小刀等會豎立黃白旗上書悖逆字樣復收集逃軍土匪等眾抄家劫舍聲勢甚熾郭寶昌先經馳抵該處尙欲設法解散徐治其後俾免驚及附近居民當

經給示劉切曉諭告以及早悔罪自投尚可稍從哀減之意該逆竟敢毀示不顧口出狂言猖獗情形日甚一日至是始決計進兵郭寶昌先往匪圩左右察看地勢臣籍所派之徐士衡亦經行抵該處郭寶昌所調之卓勝軍統領郭占元帶領中營親軍三百四十名並劉思忠馬步練軍相率馳往郭寶昌察看匪圩之南有清規寺一座查係該逆等結盟拜會之地圩東有村莊一所樹木叢雜兩處均有匪黨守禦匪圩進路緊當田埂旁盡水田勢難用武先擬四面圍困待其糧盡自亂乃分派劉思忠及卓勝營官都司杜春林廬州營都司李泰等各率所部會同府縣帶領兵役暨淮揚水師勇丁分紮匪圩東南西北民間分列其後用助聲勢調撥已定試放開花礮兩次故意架高不擊其圩尙冀其懼而自出該逆毫無畏怯開礮相迎因兵士倍道遠來暫令休息半日獲其銳氣六月十一日黎明郭寶昌傳令劉思忠進攻清規寺杜春林接攻東莊該匪施放鎗礮拚死抗拒致勇練均有傷亡相持兩時之久我軍奮勇齊進攻奪清規寺東莊兩處該匪逃入大圩卽由廬州營民團分守該兩處以便直注賊壘正在進規大圩間任祖文適於是時兼程馳至亦以該圩門安有大礮進取必至多傷士卒議以礮火先焚其廬使之無可負固與郭寶昌意見相同遂以開花礮迎頭轟擊該匪亦鎗礮齊施飛子雨集擊傷我軍多名嗣將該圩垛牆礮場數處始得望見圩中動靜自辰至酉礮至四十餘礮將圩內房屋次第焚燬遙見匪衆皆屹立不動抵

禦愈嚴時天色已晚郭占元料該逆必於夜間衝圍遁出遂令哨官張雲卿帶隊潛伏濠下二更後劉文弼率死黨多人拚命衝出墜於濠內始獲就縛各勇紛紛登濠劉思忠亦帶隊由後圩直進除焚殺外計生擒逆首劉文弼一名匪黨四十餘名搜出結盟入教偽印旗幟及器械馬匹各件訊據劉文弼供稱議定先將本族掃蕩劫取資財即調集匪眾攻取六安以圖大事等語各悍黨亦直供入教助惡不諱該提督等以該逆黨類尚多稍留恐有意外之患先將劉文弼卽在軍前正法以彰國法而定人心其餘匪黨聯銜稟請核辦前來臣等查劉文弼前在軍營曾經得保參將業經附片先行奏請革職在案乃敢傳習邪教拜會結盟豎旗聚眾先與本族械鬪嗣卽四出擄掠佔城池竄煽叛形已成罪無可追復敢於官軍到後拚死接仗尤爲兇悍之尤迹其包藏禍心事起倉猝若任廣招黨類氣候一成閭閻將深受其害似此以後首逆若從而漏網則乘隙勾煽潛伏山林亦不無死灰復燃之慮此次得以迅卽撲滅者實賴勇營操練有素聞警卽行有迅雷不及掩耳之勢亦賴郭寶昌先期馳往臨事鎮定調度有方任祖文徐士衡二員協力同心相爲左右在事文武員弁均能爭先効命奮不顧身而郭占元之設伏待匪張雲卿之手擒巨魁尤屬智勇兼優深堪嘉尚至該逆等均屬兇惡性成惡不畏死劉文弼已正典刑其與官兵接仗之匪黨同惡相濟亦皆法無可貸批令訊明後一律正法以昭炯戒其被匪威脅強從情有可原

者分別賞懲保釋並將傷亡員練及被害戶口酌加撫恤各事除凱撤外仍酌留徐士衡所部馬步隊伍暫留該處彈壓俾該府縣趁此清查保甲分別良莠辦理善後事宜以安人心而弭後患該府縣營員等聞信立即馳往查辦嗣復隨同官軍進攻匪巢在事甚爲出力現在事已平定所有從前失察處分應請免其置議查光緒十三年四月間有剿辦土匪王時龍一案事定籲請擇尤保獎欽奉 恩旨允准在案此役事同一律而各員弁觸冒奔馳奮勇接仗不無微勞足錄合無仰懇 天恩俯准由臣等查明酌保尤爲出力人員以示鼓勵之處出自 聖主鴻慈 上諭曾國荃奏官軍剿辦土匪立時撲滅一摺安徽合肥縣西鄉匪首劉文弼聚眾械鬪肆行搶掠並糾結教會各匪圖佔城池經曾國荃陳華分派總兵郭寶昌副將徐士衡等會同壽春鎮總兵任祖文馳往查辦該匪復敢負隅抗拒傷斃勇丁實屬愆不畏法旋經官軍分路進剿攻破匪圩當將該逆首擒獲正法並生擒匪黨多名全股撲滅辦理尙屬迅速在事出力各員弁著准其擇尤酌保毋許冒濫○內辰 上奉 慈禧端佑康頤昭豫莊誠皇太后幸醇親王邸第視疾○色楞額等奏臣鍾麟前奏請裁撤塔爾巴哈臺參贊大臣員缺以伊犁副都統一員移駐其地其索倫錫伯察哈爾額魯特等部落宜各擇其人派爲總管兼設千百戶以相箝制伊犁塔爾巴哈臺既設道府防營月餉應責成新疆藩司按月解交道府分支各營自行採買食糧糧局糧員均可裁撤等

因經部覆准裁撤伊犁糧員餘仍令由臣等詳晰會商奏明辦理於光緒十三年八月初八日具奏奉旨依議欽此欽遵咨行到臣現在臣色楞額業已到任伊犁塔爾巴哈臺等處添設道府以下等官亦經部議允准自應會同妥籌辦理伏查伊犁塔爾巴哈臺事同一律伊犁參贊大臣員缺前經部議裁撤改設副都統二員以倣照內地駐防之制塔爾巴哈臺屬境向例亦將軍所轄該處參贊大臣員缺自無須獨留應請一併裁撤以免歧異伊犁新設副都統二員以一員與將軍同城辦事尙屬裕如應請照臣額驊原奏以一員移駐塔爾巴哈臺駐紮該處巡撫隊向由伊犁換防平定以來大率由本地挑補編列成營無復換防之事前經臣錦棠奏准額設旗隊千人究應如何改照駐防之處應俟此次奉旨後再由該副都統體察情形會同臣色楞額妥爲定擬其索倫錫伯察哈爾額魯特各部落言語不通性情亦異非各有所屬無以資彈壓而專責成所有伊犁現存之領隊大臣一缺應請毋庸裁撤其塔爾巴哈臺領隊大臣一缺應否裁撤亦應俟副都統移定後再行定擬各該領隊大臣及新設之副都統均歸四軍統轄伊犁將軍仍節制伊犁鎮道如此酌量變通庶幾法制相維而事機亦順矣伊犁糧員既經部議裁撤以後各該處月餉均應遵照部議由新疆藩司按月撥解分支各營應領食糧由各該營自行採買伊犁月餉解由該道收支塔爾巴哈臺既改定同知員缺該處月餉亦應解由該同知收支以歸畫一其各該處

額設之糧餉章京應否裁撤應俟各旗營事定再由臣色楞額察酌具奏至各該處防營均應及時整頓前經臣錦棠於上年九月奏明俟設官議定後除各旗營應由將軍參贊妥籌布置外其鎮協各標臣自應悉心籌議奉 旨允准欽遵在案現在臣色楞額到任正在接收交代而錫綸病故比飭經手各員將錫綸任內一切應交案件迅速清理並由臣錦棠咨明俟接收交代後按照原議將勇營事務截清起止交由臣錦棠會商辦理仍一面檄飭各統領營官核清存餉趕造清冊以便及時裁併按照原奏續撥四千人之數改定糧營塔爾巴哈臺事務應俟伊爾諸務辦理就緒再行接辦其餘一切未盡事宜容臣等隨時會商陸續奏明辦理下部議奏○戊午劉銘傳奏臺灣辦理清丈改定賦則丈竣給單接辦升科所有上下忙例限勾徵分數請緩扣計經臣先後奏咨在案查臺地田園從未清丈向無魚鱗冊籍此次案准戶部核給丈單填明地段甲數等則戶名即爲造冊升科根據迭飭各屬趕緊給單接辦升科數月以來臺北將次竣事惟臺南田園太廣戶口畸零事務繁瑣每屬自數萬甲至十餘萬甲丈單雖趕緊填給勢非一時可以竣事欲待全臺丈單給清本年斷難啟徵必致有誤正供現經通飭各屬趁此民間五月收穫之後於六月十六日一律啟徵上忙其給單未清之處一面開徵一面陸續填給丈單並行不悖下忙卽定於十月接徵先准部咨自光緒五年起經徵督徵例限處分均照內地辦理十四年分雖免核扣

其上下忙奏報暨頒發徵信冊仍應舉辦等因查臺地賦額尚未大定實難稽核考成而本屆徵徵計已逾期現惟督飭各屬儘力催徵仍俟下忙及籌銷屆期據實造報免計分數至徵信冊爲杜中飽起見臺地舉辦升科編戶造冊正在澈底清釐應請俟賦額大定後照章辦理全臺現已徵徵新賦所有在事出力員紳不無微勞足錄應否彙案請獎據清賦總局布政使邵友濂候補道陳鳴志等具詳前來臣查內地歷辦清丈不過一州一邑舊有圖籍約略可循往往時閱數年尙難親覩成效臺灣自隸版圖二百餘年此次舉辦清丈事事草創全省袤延千餘里未及兩年業經竣事曠置者揭報開墾者升科盈溢田糧計逾舊額不下數十萬兩民間供賦反比從前輕減固皆仰賴朝廷威德民情踴躍亦係在事官紳實心實力櫛風沐雨不避煙瘴而總局司道並府廳縣官竭慮殫心不辭勞怨鉤稽妥速規畫精詳洵能下裕民生上裨國計已於清丈之始經臣奏奉諭旨准照異常勞績給獎現已徵徵新糧所有尤爲出力之臺灣布政使邵友濂擬請賞加頭品頂戴開復貴州布政使沈應奎二品銜臺灣道兼按察使銜唐景崧均擬請交部從優議敘布政使銜留閩過缺題奏道陳鳴志擬請賞給三代一品封典臺灣府知府程起鸞臺北府知府雷其達擬請以道員在任候補知府吳本杰擬請俟知府補缺後以道員在任候補現署彰化縣知縣補用同知候補通判李嘉棠擬請以同知直隸州知州留閩歸候補班前補用本

任臺灣縣知縣在任候補同知沈受謙擬請開缺以同知直隸州知州留閩補用知府候補同知現任淡水縣知縣汪興禧擬請俟歸知府班後加鹽運使銜並先賞換知府頂戴五品銜本城捕裏社通判現署新竹縣知縣方祖蔭擬請以同知直隸州知州在任候補試用府經歷補缺後以通判用管元晉擬請以通判仍留閩省補用並加同知銜以上十二員相應仰懇 天恩俯賜先行給獎以昭信實而示鼓勵又奏幫辦臺北撫墾事務三品卿銜太常寺少卿林維源在籍幫辦撫墾極重公義此次開辦清丈給單升科辦事皆得林維源倡守襄助所有屯租番租大小租名目不一俱由林維源會同司道分別釐定民間稱便深得其在林維源受 恩深重力圖報稱非有他望然地方清丈大舉賴其倡導出力不辭嫌怨應否奏請 獎勵之處據清賦總局布政使邵友濂等具詳前來臣查全臺清丈之始官紳半設難詞阻撓大計林維源田園較多不避嫌怨身先倡導遇事出力民情因之踴躍未及兩年全功已竟雖其意在圖報不敢仰邀議敘臣未便續於上聞 上諭劉銘傳奏臺灣徵徵新賦請將尤為出力人員先行獎勵一摺臺灣各屬地畝舉辦清丈事屬創始經劉銘傳督率官紳核實丈量改定賦則全臺義延千餘里未及兩年一律丈竣升科田糧計逾額不下四十萬兩民樂輸將新賦現已徵辦理甚為妥速在事出力各員實屬著有微勞自應量予獎敘臺灣布政使邵友濂著賞加頭品頂戴開復布政使沈應

奎臺灣道唐景崧均著交部從優議敘臺灣府知府程起鵬臺北府知府雷其達均著以道員在任候補並加鹽運使銜著捕裏社通判候補知府吳本杰著俟補知府後以道員在任候補彰化縣知縣候補通判李嘉棠著以同知直隸州知州留於福建歸候補班前補用臺灣縣知縣在任候補同知沈受謙著開缺以同知直隸州知州留於福建歸候補班補用補用知府淡水縣知縣汪興祿著俟過知府班後加鹽運使銜並先換知府頂戴捕裏社通判方祖蔭著以同知直隸州知州在任候補試用布經歷管元晉著以通判仍留福建補用並加同知銜餘著照所議辦理附片奏三品卿銜太常寺少卿林維源於清丈升科事宜倡首襄助不避嫌怨民間稱便克竟全功請旨嘉獎等語林維源著賞加二品頂戴○庚申遣載勛詣 成賢妃殯宮前行百日致祭禮○以吳大澂著河東河道總督張之洞兼署廣東巡撫○諭軍機大臣等本日已有旨令吳大澂署理河東河道總督毋庸來京請訓廣東巡撫著張之洞兼署吳大澂接奉電旨後卽行交卸起程勿稍延緩○諭剛毅奏請將交代虧短各員分別革追查抄一摺山西已革左雲縣知縣榮安等各在本任內虧短正雜各款銀兩爲數甚鉅迭經勒限追繳迄未完解實屬玩延榮安著卽行革職同已革和林格爾通判慶成一併監追查抄已故孝義縣知縣祿綱尙嵐州知州玉賈平遙縣知縣馬兆科屯留縣知縣張士璽平定州知州賴昌期均著卽行革職與另案參革已故永濟縣知

順洪貞頤一併將寓所資財先行查抄提集各案吏胥人等照例訊辦並著鑲黃旗滿洲正黃旗滿洲鑲黃旗蒙古正藍旗漢軍各都統順天府尹浙江湖南安徽各巡撫將各該員原籍家產一律查抄備抵以重庫款○李鴻藻等奏鄭州漫口寬至五百五十餘丈爲應雇大工所未有其時日之促料物之缺工作之難迭經臣等奏明在案兩端占截至五月二十日東端計成四十六占共長二百四十五丈西端連挑水壩計成六十占共長三百六十九丈兩端併計共長六百一十四丈尙餘口門三十餘丈滿擬再進六占卽可釐工乃自二十一日捆鑲船失事後兩端壩占走失鑿陷搶鑲無已以致不能進占節經由電奏聞臣等本擬將兩端鑿失各占補齊後仍加緊前進乃月餘以來此鑲彼鑿將購備合龍之料半爲搶鑲耗去現實無可再籌人力已窮此誠無可如何者也連日飭據兩端總辦紹誠潘駿文及鄭工總局司道劉瑞祇朱壽鏞等轉據文武各官稟稱時屆中伏水力正猛洩交秋汛洶刷更深人力萬難與爭壩頭託繩催鑲等船每遇旋渦巨流時有傾覆委兵船戶人等先後已沉斃二十餘名縱使勉力進占難保不爲急溜衝失徒糜物料無益工程不得不籲請停緩俟秋汛後接續趕辦惟口門非留百餘丈全河斷不能容現僅三十餘丈能否不至塌寬亦實無把握至續撥工款現計未解到者約有七十萬除應補還司庫墊款外兩起所存銀錢統計不及二十萬非豫爲籌計奏請派撥不足以資接濟等情會稟前來

臣等據所稟各節再四籌商目下大汛將臨款料又復不繼惟有請 旨停緩俟秋汛稍平即行前進但兩壩員弁兵夫不下十餘萬人雖可量加裁減仍須酌留數成以備防護抬鑲之用現已嚴飭文武兩端分段駐防竭力保護惟口門過窄深恐巨溜難容至秋汛後如何情形實非目前所能逆料惟念此次工程始終以集料爲第一難事約計現在抬鑲將來堵合所需尚多一俟新料登場即須廣爲購備此項已屬不貲開工後需費尤極繁鉅現存之款此兩月中已難支持斷不能更供秋汛工料之用若俟臨時奏請又恐緩不濟急難免停待之虞惟有仰懇 天恩飭下戶部迅速籌撥銀二百萬兩以濟急需等深知庫款支絀部臣籌辦艱難奈因時勢所迫萬不得已爲此再三之請不勝悚惶待 命之至 上諭本日據李鴻藻等奏伏秋汛至請停緩大工俟秋汛稍平接辦一摺覽奏殊深憤懣自上年八月鄭工漫口迭諭該河督等迅籌堵築先後發給工需銀九百萬兩明旨電諭三令五申朝廷軫念民生籌措不遺餘力乃河督等遷延觀望節經嚴旨催辦至歲杪始行開工幸自春徂夏水勢極平爲向來所未有前據奏報僅餘六占未進不日可望合龍滿冀早歲全功俾數百萬災黎同登衽席詎自上月二十一日西壩捆銀船失事阻礙不能進占又不先期放河引溜以致口門淘刷日深秋汛已臨不克堵合該尚書等辦理不督咎無可追但據奏稱種種艱手情形若仍令勉強遽辦終歸無濟著准其暫行停緩一面固守已成

之工一面採集料物俟秋汛稍平迅速接辦李鶴年身任河督實無旁貸陸辭之日自謂刻日就工詎到任奏報詞氣全涉推諉嗣後並不竭力催辦一味敷衍取巧致功墮垂成談工糜帑與成乎厥罪維均縱令留工難期後效李鶴年著革去頂翎與成乎均發往軍臺効力贖罪李鴻藻係督辦之員倪文蔚係兼轄會辦之員督率無方主見不合亦難辭咎李鴻藻倪文蔚均著革職留任降為三品頂戴現已簡派吳大澂署理河督未到任以前著李鴻藻暫署俟吳大澂到任再行來京紹誠潘駿文分任東西壩進占未能如法以致壑陷誤工厥咎亦重均著革職留工効力倘再不能保護新工定當重治其罪現已飭戶部迅籌鉅款接濟工需著李鴻藻將如何挑挖淤及採集料物各事宜認真速辦詳晰覆奏至兩關失事之文武員弁並著李鴻藻倪文蔚查明覆參具奏毋稍瞻徇○壬戌 上詣建福宮 孝貞顯皇后聖容前行禮○游百川因病乞休不允予假兩月調理○甲子江蘇學政王先謙奏刊刻 皇清經解續編告成報聞○頒給山東泰山神廟匾額○世鐸等奏光緒十四年六月十九日欽奉 慈禧端佑康頤昭豫莊誠皇太后懿旨前因皇帝甫經親政決疑定策不能不遇事提撕勉允臣工之請訓政數年兩年以來皇帝幾餘典學益臻精進於軍國大小事務均能隨時剖決措置合宜深宮湛為欣慰明年正月大婚禮成應卽親裁大政以慰天下臣民之望著欽天監於明年二月內敬謹選擇歸政吉期具奏欽此同日奉

上諭朕自冲齡踐祚仰蒙 慈禧端佑康頤昭豫莊誠皇太后垂簾聽政暨功偉烈震古鑠今宵旰勤劬數十年如一日迨十二年六月 令朕親裁大政獨復曲垂 慈愛 特允訓政之請勞心庶務又及兩年茲奉 懿旨於明年二月歸政朕仰體 慈禧敬慎謙冲之本懷並敬念三十年來我 聖母爲天下憂勞况瘁幾無晷刻可以稍資休息撫衷循省感悚交深茲復 特沛溫綸重申前命朕敢不祇遵慈訓於一切幾務兢兢業業盡心經理以冀仰酬我 聖母撫育教誨有加無已之深恩惟念現在時事孔艱嗣後仔肩益重爾中外大小臣工尤當體朕夙夜祇懼之誠各矢公忠共襄治理實有厚望焉所有歸政屆期一切應行典禮事宜著各該衙門敬謹酌議具奏欽此除應行典禮事宜由各衙門敬謹酌議外臣等恭查 皇上親政典禮前於光緒十二年六月欽奉 慈禧端佑康頤昭豫莊誠皇太后懿旨擇吉舉行經臣等再三瀝懇始 允於親政後再行 訓政數年臣等當即查照順治八年康熙六年同治十二年 親政各成案兩次奏請恭上 慈禧端佑康頤昭豫莊誠皇太后 徽號欽奉 懿旨現在時事艱難上下交儆深宮惕勵宵旰不遑惟願皇帝勤求治理務使中外又安內外大小臣工力戒因循盡心匡濟方見尊崇之實不在鴻稱疊晉徒事虛文所請仍著毋庸舉行等因欽此跪聆之下仰見 皇太后勞心庶務未肯以 軫符有託稍息仔肩 臣等敬體 謙衷固不敢爲再三之瀝而蹈德祿仁之念應

久彌深今 皇上親政將及兩年荷 慈訓之周詳俾 幾康之允勅薄海內外履職同慶茲以 嘉禮屆期 詔行隆政盛典是 皇太后之貽樂利於天下者誠盛美之舉兼而天下臣民之圖報於 皇太后者更謳思之莫釋也臣等博稽輿論甄考藝章允宜上晉 隆稱藉可稍伸孺慕爲此合詞奏請 皇上仰遵 成憲典禮復崇上 慈福端佑康頤昭豫莊誠皇太后 徽號以修上儀以隆 孝治總期竭誠籲懇仰邀 俞旨允行庶 燕翼長承與日升月恆而俱永 鴻釐共戴合懽呼華祝以交孚所有應行典禮恭候 命下之日交各衙門敬謹詳議具奏 臣等不勝踴躍歡忭之至 上諭禮親王世鐸等奏請加上 徽號以光鉅典一摺朕冲齡踐阼仰荷 慈福端佑康頤昭豫莊誠皇太后垂簾訓政宵旰勤劬盛業鴻功超越千古前於光緒十二年經王大臣等兩次恭請加上 徽號未蒙 慈旨允行茲復欽奉 恩綸命朕於明年二月親裁大政自應恪遵 列聖成憲恭上 徽號以繼隆規乃 聖德謙冲猶存撫抑經朕竭誠籲懇始荷 聖慈俯鑒羣情勉從所請所有一切應行典禮著各該衙門敬謹辦理○李鴻章奏直境自六月初旬連次得雨各河接續長水迭飭認真防護伏汛幸臻平穩入秋後大雨連綿現復霖霖不止據署永定河道金福會稟報七月初六日丑刻該河水陡然異漲至已刻竟長至二丈三尺五寸勢若排山奔騰而下甫至蘆溝橋已不能容遂從東橋翅橫流漫過兩岸石堤將蘆溝橋汎南三

號石堤背後土工衝開四十餘丈成大坑並將堤面衝砌碎石盡行衝去祇剩條石原堤其時北風狂起大雨傾盆各員弁不避危險一面啟放金門關分投搶救雖淹斃兵夫二人衝去六人仍抵死不退乃水勢過大浪高堤頂數尺兩岸紛紛漫溢顧此失彼人力實無可施南二十七號大堤於是日已刻被刷成口五十餘丈業經奪溜直下堤身皆衝爛殘缺又北上汛十二號大堤先於辰刻漫溢亦被刷開五十餘丈幸該處堤外章塘甚寬草根盤結衝刷不動過水不過二尺大溜仍從堤內直注下游如不再漲可成旱口又北下南三兩汛皆於辰巳之間漫水刷塌堤身旋即保護斷流此外如南上南下南四北中北二上北二下北三等汛當時均被漫溢經署道督同員弁竭力搶救平穩稟請分別參辦前來臣查永定河身久經淤高前人臂之水行夾牆以上兩堤全係沙土汛漲即成潰漫若論治法必須改河築堤方可安流順軌無如巨費難籌民情不順祇有隨時量力補救據報此次石景山上游無工處所山居村莊衝去廟宇民房人畜不少竄由積雨迎背邊外山水暴發而至蘆溝橋頭已不能洩竟橫流漫過兩岸到處衝突勢極狂猛似此異漲殊為近年所罕見以致兩堤同時漫溢顧此失彼人力俱窮該署道金福曾平日辦事認真到任後亦能加意整頓是時南上南下南三南四北中北下北二上北二下北三等汛均漫水刷堤處處危險皆搶救平穩但南二等汛既已成口該道與該管關汛各有難辭亟應分別參辦擬請

有將漫口已成之驢員南岸同知鄭煥革職留任其過水無多將成旱口之驢員石景山同知賈廷聯摘去頂戴北上汛員武濟縣縣丞張善弼革職留工署南二汛員良鄉縣縣丞試用主簿趙福濟甫經到任與未能預防者有間請摘去頂戴以示懲儆而觀後效學水定河道金福曾統轄全河疎於防範應請革職留任臣督率無方並請旨交部議處除北上將成旱口業飭金福曾駐工迅速搶堵並將北下兩三漫堤之處暨衝壞蘆溝汛石土堤分別設法修護外其南二水口先行趕緊築築裹頭以防續塌一面勘籌堵築事宜並飭司局湊提銀兩購料集夫相機興辦勿稍誤時糜費至南二漫水據金福曾查報由涿州南蔡向莊等處下入芒牛河故道歸大清河經過村莊無多其北上漫水本少山宛平縣根堡龍各莊等處入北小清河下歸夙河均可達津歸壑惟新城雄縣一帶大清河驟添盛漲已飛飭清河道及各該州縣加緊防搶仍會同府尹臣飭查水過地面分別疏濬被災村戶酌予撫恤上諭李鴻章奏永定河堤工漫口分別參辦並自請議處一摺本年入秋以後大雨連綿永定河水勢盛漲迭出險工七月初六日蘆溝汛南岸三號石堤及南二工十七號北上汛十二號等處大堤均被漫溢刷寬口門四五十丈不等該管各員疏於防範實屬咎無可辭著永定河道金福曾南岸同知鄭煥均著革職留任武濟縣縣丞張善弼著革職留工石景山同知賈廷聯署良鄉縣縣丞試用主簿趙福濟均著摘去頂戴李鴻章著

交部議處該督務當督飭在工員弁將漫口趕緊盤築妥頭並飭派出之員勸籌堵築事宜認真防護不得稍有疏虞所有被災村戶並著該督查明妥籌撫恤毋令失所○乙丑 上諭 奉先殿 壽皇殿行禮○丙寅以內閣學士文治召見未到交部議處○諭沈秉成奏察舉賢吏請旨嘉勉開單呈覽一摺廣西太平府知府李世椿著慶遠府知府陳如金署平樂府知府黃仁濟候補知府袁思樸白色直隸同知夏敬頤龍州同知任玉森候補通判謝輔成署永寧州知州柳鎮署武緣縣知縣張棠蔭署貴縣知縣左秉勳署潯陽縣知縣褚興周署柳州城縣知縣謝保年岑溪縣知縣何壽萱據沈秉成臚陳該員等才守政績皆有可觀殊堪嘉尚著沈秉成飭令該員等始終勤奮勉為循吏以副朝廷策勵至意○諭閩敬銘奏病勢日增懇准開缺一摺閩敬銘前因患病迭次賞假調理嗣以病久未愈屢請開缺未經允准茲復瀝陳病狀懇請開缺留京調理情詞迫切不得不勉如所請閩敬銘著准其開缺在京安心調理該大學士向來辦事認真不避嫌怨近年整頓部務日有起色朝廷倚任方深一俟病體就痊卽行具摺請安以慰眷念而資簡畀○丁卯 上諭 奉先殿 壽皇殿行禮○己巳以鍾開蘭為湖南綏靖鎮總兵○壬申張曜奏臣前因鄉工開放引河黃流已入東境水勢增長督率工員加意修防曾將大概情形於六月十二日由驛馳奏在案臣於十六日循濮州范縣一帶沿河東行查看兩岸新鑲埝均屬完整其頂衝險

要之處經各防營委員陸續添料壓土防守穩固十五日至十八日水落一尺七寸下游河身較窄水長較深自六七尺八九尺不等先經抽溝挑濬水至歸槽均未漫及灘岸其坐灣之處溜灘堤根均經預鑿增填足資抵禦二十一日黃流卽由利津鐵門關入海此次黃流初至勢尙洶湧水頭過後卽漸消落臣惟有督飭防營委員照常修防以免疏虞報聞○劉秉璋奏查辦黔官運鹽務承辦各員如辦理二年成效大著應准奏請獎勵歷經遵辦在案嗣經部議以承辦各員如局務勞績不准保獎當經臣查照鹽課議敘聲請給獎現在接准部覆以官運局員並無每員應徵若干額數與專管兼管鹽務各員不同仍照局務之員不准保獎等因臣竊查黔官運鹽務自前督臣丁寶楨整辦以來經各員無間寒暑綜核旬指督催挽運近則每年收至一百數十萬之多實於國帑大有裨益亟宜稍示鼓勵庶官運各局徵收始終無懈似未便拘泥新章便各員歷年勞績概歸湮沒並查各員每歲徵銀均在數萬兩與專管鹽務之員每歲給與議敘加級之例亦屬相符應請稍事變通酌予獎敘庶期辦理得力激勵將來合無仰懇天恩勅部將川省辦理癸甲兩綱出力人員查照原單給予獎敘加級允之○癸酉岐元等奏馬邊屏山等處保夷句結諒山野番出巢滋擾捆綁民人劫掠財物拒斃弁兵經臣等派隊前往助剿曾將此案情形恭摺會奏在案近據統領達字全軍馬朝選等陸續稟報該夷近因迭被官兵擊退先後燬其夷巢

二千餘間不敢公然對壘然伏於老林時出時沒既不肯散復不就撫其心叵測夷疆道路紛歧營勇勢單不能兼顧等情據此伏查川省幅輳縱橫三千餘里前因軍務肅清屢將營勇裁撤現在通省防軍僅二十餘營或分紮夷疆或保護鹽岸且囑匪會匪伏莽時虞扼要分防未便顧此失彼此次馬邊夷務經臣調派建字各營及長勝中右兩營前往剿辦該夷竟敢竊助不敵若非添兵助剿勢必蠢癩成患而營勇又不敷分佈不得不添募以資調派等現已會商在省城及馬邊附近一帶挑選曾經戰陣精銳勇丁添募先鋒左右兩營以期節節分佈相機進剿一俟裸夷肅撫邊境又安卽行遣撤以節餉需下部知之○甲戌張之洞奏拿獲偽造關防印信功牌匪犯何漢臣等一律正法並飭嚴緝逸犯報聞○乙亥

上詣壽皇殿行禮○以福銀為崇文門正監督崇光為副監督○李鴻藻等奏欽奉光緒十四年七月初十日 上諭本日據李鴻藻等奏伏秋汛至請停緩大工俟秋汛稍平接辦一摺等因欽此臣等才庸誠固勉任鉅艱不能早奏平成仰紆 宵旰重負罪戾誅譴難寬顧蒙 恩慈僅予薄懲以資後效悚惶無地感激涕零伏查鄧州潰口工艱時迫不易成功久邀 聖明洞鑒自開工以來臣等與前署河臣李鶴年督率在工文武員弁殫謀竭慮晝夜催趲六閱月連挑水端共成占六百十四丈挑引河二千九百丈卒以時在大汛人力難施且民間積料舊儲已罄新秫未收不得不暫議停工上辜 訓諭下疚民生

潮查道光年間中牟大工其時尚在二月亦以金門收窄連走五占此次紹誠潘駿文等親督鑲築料實工堅伏汛之中墊失一兩占尙能竭力補鑲未至一蹶不振惟秋汛方盛必非三四十丈之口門所能容納從前牟工停辦拆寬二百丈而後能守口等與紹誠潘駿文等悉心籌酌一占之費動逾鉅萬但有一錢可守不得輕棄尺土之工萬一洪流異漲金門束溜太驟猛悍之勢實不能支隨時酌量拆展畝占以免掣動全壩仍責成兩端日夜防護將新工迎溜之處分別趕做護壩拋築石垛務保無虞向來開放引河大抵在將次合龍之時水勢掣高引河吸川得力正口水平門占隨下始能一氣呵成本年節交夏至汛水驟長兩端十分喫重衝開引河平流月餘受淤不少議者謂宜堵塞河頭俾免續淤以保河身但引河分水一分下游災區卽減一分之漑兩端新工亦減一分之險究竟挑河工費省於進占兩害相形自當取其輕者等現在督同總局司道並原辦引河之河北鎮總兵崔廷桂逐段履勘凡有阻溜之處一律設法挑挖河頭西北面土山有坐灣遏溜之病已佔定土方責令趕緊起除一面就勢抽溝以順溜勢一面用混江龍於溜急之段往來疏濬藉資衝刷至正雜各料均已動用將盡預籌將來接辦大工之事尤以及時集料爲要議現已督飭總局遴派委員分段設廠部撥工款計可陸續解到俟白露後林藉就寶由局出示廣爲收買麻斤一項亦爲工需大宗並已委員分路採買此外一切雜料均自六第添集必

可無誤工作大河形勢時有變遷指日秋汛水消接續堵合或應溯流而上別覓河頭或應從西聯接築鴈翅漸以挑溜勢或應避去留口另行越堵皆非此時所能預擬也總之目前應辦之工臣等決不敢稍涉懈弛自外生成異日未定之河形等亦不敢徒託空言致蹈欺飾報聞○丁丑欽奉 慈禧端佑康頤昭豫莊誠皇太后懿旨皇帝大婚典禮著於光緒十五年正月二十七日舉行本年十一月初二日納采十二月初四日大徵所有應行事宜著各該衙門迅速敬謹辦理○御史劉綸襄奏河南巡撫倪文蔚歷幣誤工請 飭查辦又御史燕起烈奏請亟籌黃河疏濬之法以重國帑而衛民生得 旨著吳大澂於到任後確查具奏○倪文蔚奏自河決鄭州豫省下游被水者十五州縣待賑者一百八十九萬人口急賑之後接放正賑不足一再續賑其各州縣情形較重之處及省垣附近復分別搭蓋窩鋪設立粥廠留養所二十餘處以便災黎南中營士嚴作霖等又集資來豫分投助賑徧歷災區迫大工開辦以來近地丁壯多就工作餬口無如春築方興春汛已至在中戶尚有餘糧或猶苦懸危慮或則株守高阜及食盡勢窮亦不得不出而就賑故入春而後人數仍有增無減嗣以天氣炎蒸腹事將作災民聚處疾疫易生卽令各廠將力能備趁之人及尚有親屬可依者量爲資遣至老弱婦人廢疾人等仍照常留養一律改賑粥爲放米各屬常平倉穀及民捐新穀均已次第碾動一面遴派多員分路採買穀米水陸轉運並

恐本境商販居奇又赴淮揚一帶購米潮淮而上分運接濟迄今各州縣糧價尚不甚昂亦無流離轉徙者惟賑事與工事相屬上年鄭工事起臣念決口不合賑無已時江淮之間可憂尤大汲汲焉以鑿決疏淤一再陳請仰蒙 乾斷專意堵合然衆難羣疑遲之又久而後興役臣因已心焉憂之思爲被水之區豫求補苴萬一之策竊查賈魯沙渦各河悉爲黃水所溜漏地漫漶疏濬之法俱無所施惟有各就地勢河形修築堤防稍約散漫之水以保完善之地迭飭開封鄭州各府縣相度籌辦或酌發款項以工代賑或就地勸捐給予津貼今計修築已成者祥符縣朱仙鎮堤工八百三十丈閘二座中牟縣李店口堤工三百九十三丈埽壩五段鄭州境土埝一千一百五十丈西華縣境堤工五千五百八十二丈沈邱縣境堤工一萬一百三十丈其淮寧項城商水等縣尚未據報竣工此外尚有太康等縣零星村寨自築土埝由官督修亦於大汛前次第蒞事至中牟尉氏扶溝三縣城垣適當大溜勢尤危險歷經撥款飭令採辦磚石麻稍檣樑各料及時培修遇有水勢激射坐薄之處一律鑲砌埽段堤壩以資堵禦並准各該縣招募練勇巡防搶護惟是鄭口未合庚伏又交大河日漲疊據各州縣稟報不特渦復利莊重遭淹浸即去年未淹之處亦間被波及災民紛紛求撫當飭日添收養日聚中牟縣治西北城牆急溜頂衝已被刷坍塌該縣晝夜搶修僅而得存岌岌難保已飭令趕將監犯移寄鄰封多備船隻救渡曉諭城內居民先將

老弱婦女擇地遷避酌給錢米攜帶出城俾無失所凡此隨時之補救要皆竭蹶之圖維伏維此次水災
宮廷廩念民依發帑留餉截撥倉儲至再而三 湛恩汪濊而直省大吏以及江浙善士豫省京外官
紳共體公忠均憂水患亦莫不竭誠勸捐源源解濟俾得以藉手施濟閱時十有一月野鮮饑孳道
無流亡亦云幸矣今伏秋汛水續至合龍尙無把握災祲未已民困益深待救更殷所需鉅巨往來河
上蒿目橫流念經費之有常規帑墊之日甚疾迫已深寢饋難安得 旨覽奏均悉卽著督飭各屬將工
賑事宜敷實妥辦毋任災黎失所○戊寅以陳學廉爲內閣學士○是月津沽鐵路成

八月庚辰朔李鴻章奏七月初六日永定河因上游山水暴發陡然奔漲浪高堤頂數尺兩岸紛紛漫溢
人力難施致南二工十七號大堤被刷成口五十餘丈業經奪溜北上汛十二號大堤亦刷開五十餘丈
幸該處堤外草塘甚寬倉根盤結衝刷不易過水不過二尺當已專摺分別奏參欽奉 諭旨飭將漫口
趕緊堵築卽即履督該署河道金福曾克用妥籌搶堵茲據金福會稟稱北上汛十二號刷開大堤遼卽
率同員弁先於外幫搶築圈堤土層料日夜加壓十一日築成堤高五尺斷流閉氣復就殘缺大堤逐
節進占外跟漫溜十六日河水續漲二尺五寸圈堤勢甚喫重竭力保護平穩十九日大雨如注復冒雨
搶辦卽將大堤占塌一律竣工築格穩固山河大溜下注更速後戢堤土並已培復至漫水經過村莊無

多堤外地畝現已涸復其屬各莊以下東安縣城南之東莊等村地勢本窪漲水停積兼受龍河等水禾稼被淹已飭該縣勘辦等情稟報前來臣查北上汛十二號漫口雖未奪溜但地居南二上游深恐水漲壅歸此口誤時廢設今於十餘日內抬堵合龍辦理尙爲妥速擬懇 天恩將屬員石景山同知寶廷馨原參摘去頂戴處分卽予開復以昭激勸其道員汛員處分及出力各員俟南二工漫口合龍再行奏乞 恩施至蘆溝汛南岸三號石堤是日僅衝開背後土工四十餘丈其原有石堤屹立並未漫塌成口茲已將背後土工挑培完竣合併聲明得 旨如所請行○岑毓英等奏臣等於本年二月十四日准吏部咨內閣鈔出光緒十三年十二月二十一日奉 上諭岑毓英等奏官軍攻破猓黑夷巢擒獲逆首布置籌辦善後一摺等因欽此又臣等於光緒十四年二月初十日會奏官軍剿滅木葉寨滋事土匪一摺嗣於三月二十七日遞回原摺奉 硃批覽奏均悉卽著將逸犯陳靖邦嚴拿務獲毋任漏網在事出力員弁准其議案擇尤保獎欽此欽遵當卽酌議猓黑地方擇要設城署官兵並先行委員署理各緣山專摺擬奏在案伏查猓黑地方寬廣界連緬甸該猓夷恃其險遠叛服靡常自嘉慶年間三次用兵皆未能擒渠掃穴至張秉權張登發父子作亂猶藉口復仇煽惑夷衆光緒十年間臣毓英督師出關慮其勾結外匪爲患卽函商前巡撫臣張凱嵩經營剿撫散其黨與至上年傑目李芝隆等咸來受撫逆目張北松經

雷擊斃後其子張登發仍誘誘夷衆併力死拒等再三籌畫以該處地勢非調集重兵未易戡定當奏派署提督蔡標親往督飭各將領分道攻剿幸賴天威遠播卽將夷寨一鼓蕩平維時適有他郡屬太受寨土匪陳定邦等先年潛往越南佔踞猛蘇州屬地方屢糾匪黨竄回內地擄掠滋事倭經等檄飭各將領移得勝之師馳往剿捕悉將首要各犯殲除地方亦一律肅清所有在事文武員弁奏奉

諭旨彙入剿黑寨內請獎惟查該員弁等兩次剿平邊徼悍賊開闢保黑夷地千有餘里皆能不避艱險得以迅速成功實爲異常出力究與腹內平靜省分尋常勞績者情形不同應稍示區別量予優獎謹擇案內尤爲出力之文武各員弁分繕清單恭呈御覽合無仰懇天恩俯准將該員弁等按照異常勞

績獎敘以昭激勵而勵戎行下部議奏○辛巳加賞廣濟橋粥廠米石○以克勤署鎮紅旗滿洲副都統明安署鎮白旗蒙古副都統○以崇禮兼署工部左侍郎敬信兼署吏部右侍郎○以徐用儀兼署刑部右侍郎○丙戌以寬阿兼署吏部尚書○以恩承署步軍統領○以陸勤署正紅旗漢軍都統○以潘祖蔭兼署戶部尚書祁世長署兵部尚書○以徐那兼署刑部左侍郎嵩申兼署理藩院左侍郎○丁亥祭先師孔子廟遣恩承行禮○福州副都統多鑾布以病免○戊子祭社稷壇上親詣行禮○己

丑上詣泰先殿壽皇殿行禮○以陳欽銘爲江蘇按察使○御史何福堃奏刑部爲執法衙門過

有八旗五城巡捕營等處鎖送人犯無論情節重輕犯罪首從往往收禁監獄獄卒需索凌虐窮極慘酷堂司各官雖精明廉察不能一一周知此項人犯定案後或徒杖完結或枷滿釋放非皆擬重辟而其久淹囹圄傾家者痼斃者一年之中不知凡幾沈寃無訴深可哀矜伏讀咸豐十年六月 上諭刑部現審事件與彙奏會審各案均有定限例義本極嚴明承審司員如果照限完結何至案有留隄獄多繫因此後該部堂官飭令承審司員務須遵例迅速審結不得怠玩遷延致有積壓如有任意因循逾限不完者卽著咨部照例議處等因欽此又恭讀咸豐十一年五月 上諭刑部辦理案件理應及早定讞以省拖累若經年累月案懸莫結甚至監斃多名殊非朕欽恤庶獄之意著刑部迅將歷年未結各案逐一清釐等因欽此 聖諭昭垂允宜遵守迺近聞該部監禁案犯已積至二百五十餘人較光緒七八年間幾加一倍其中新收固多而拘禁已久未經審結者亦復不少夏則人多穢積疫癘蒸蒸冬則風雪交侵肌膚拆裂其死囚原無足惜而罪輕者殊堪憐憫相應請 旨特諭該部堂官嚴督司員將情罪較輕無難連結之案迅卽清理分別發落釋放以重民命至例定現審期限近則視爲具文並請 旨飭下該部實力整頓確遵定限辦理毋再因循延緩以致日積月多又奏查外省人犯惟重罪收禁監獄餘或令人取保或派役管押與重囚本有區別不知一經管押卽有閑索凌虐其弊與獄卒無異近年外省章程令所

屬州縣每月將監禁人犯管押人犯各造案由姓名清冊分別舊押新收開釋實存詳報院司道府以備稽核立法本甚周密該州縣於監犯月報尙不敢有所欺飾至管押一項多未從實開報有羈押經年而月報無名者亦有本無其人而裝點案由臚列名姓爲下月詳報開釋地步者由是良法美意祇成具文擬請 旨飭下各直省督撫隨時派委妥員嚴密訪查飭令該州縣一面造冊詳報一面榜示各城門既可備委員之稽查並可杜胥吏之私押至新舊任交代時應限新任官於半月內將接收管押各犯先行詳報出具並無欺隱甘結自此次通飭後如有仍蹈故轍被委員查出或別經發覺者從重懲辦委員有徇情受賄不據實稟覆者並治以應得之罪如此明定章程庶管押人犯不至濫收久羈似亦整飭吏治之一端也 上諭御史何福鈞奏刑部監禁人犯太多請飭迅速清理並各省管押案犯嚴飭詳報榜示各摺片京外問刑衙門審理案件必須迅速斷結方不至拖累案懸莫結殊不足以昭欽恤著刑部堂官督飭司員務將未結各案迅即清釐其現審案件務須遵照例限隨時審結勿任積壓並著各直省督撫嚴飭各屬遇有訟案隨到隨審勿得藉口要犯在逃監候待質等詞濫行羈禁其在押各犯按月詳報榜示以杜弊端○庚寅以恭修 玉牒告成命和碩睿親王魁斌等恭送 盛京○壬辰李鴻藻等奏兩摺失事文武員弁奉 旨飭 臣等查明嚴參具奏勿稍瞻徇等因欽此伏查北塘頭進占事屬文武掌壘各

該員自冬徂夏督率兵丁無日不躬親力作於嚴寒冰雪炎風烈日之中逮伏汛大至金門日窄急溜狂潮旋湧怒捲兩壩撐擋鏤坏萬分艱險或繞船震動或新占驟盤弁兵常有死者掌壩之員亦屢瀕於危臣等在工目擊未嘗不心為憫之此次大工未竟辦理不善咎在臣等捆鑲船之沈沒實非事前所能逆料該員等於壩占鑲走固不容髮之時會命搶鑲旋即一律補齊似與從前牟工連走五占未能搶護者情形不同惟既失事於前亦難辭咎相應請旨將東壩文掌壩下北同知高善忠中河通判崔惠均武掌壩下北營守備樊景山中牟下汛把總徐進德西壩挑水壩文掌壩黃沁同知陳履成祥河同知張士傑武掌壩中河協備朱永和黃沁協備杜長春邊壩文掌壩下南同知朱懋淵候補同知陸費蒼李棠武掌壩上南協備張敬修均著革職留任仍留工効力以示懲儆而策將來至捆鑲船失事之管領鄒下汛外委吳鳳山唐郭上汛外委齊建因該船陡被壘壓猝不及避當與兵目水手人等一同沈溺時值黑夜浪湧風狂無從撈救該二員因公斃命殊堪憐憫其應得處分應請從寬免議得旨如所請行○李鴻章奏大名府城外舊有漳河上接河南內黃縣經郡城西北入衛河嗣因北道淤塞改由城南行走近年北路亦淤漳水本甚迅猛每遇汛漲泛濫為患上年於郡城西南大京莊決口漫流四溢城內外多被浸溺報災者一百數十村商旅隔絕物價增昂官民苦之查大京莊以原有漳河故道填淤高仰無從挑挖

必須另籌出路紳民擬就決口處東趨之勢引入白水潭老衛河至岔河嘴入現行衛河當飭大名鎮總兵徐道奎大順廣道羅錦文督同府縣詳細察勘甚爲直捷便利實得竄下之益計自大京莊至白水潭應開新河五里餘兩面十丈外出土堆隄佔用民地按畝給價並免錢糧又自白水潭順老衛河至岔河嘴現行二十五里餘本有河形隄址須重加挑挖亦就兩面十丈外出土堆隄計開新河及挖老衛河合土十五萬餘方堆隄方數稱是工程較鉅民力不支飭徐道奎卽調大名練軍並馬廠隊四營先挑老衛河俾放上游積水入衛河以便接挑新河而民地亦可早濶原擬由受淹村莊集夫認挑新河旋因民夫未能踴躍做法亦不合式復由練軍將新河分段加做並築新河老衛河兩隄於二月初開工三月杪竣事本屆因東明黃河隄壩工程重要先經奏派徐道奎督率練軍挑辦該鎮隨卽分軍晝夜趕挑胼胝經營不辭况瘁計黃漳兩工挑土至三十餘萬方之多使黃河隄壩一律鞏固漳河亦順軌安流俾大名府城外百數十村積勞頓消秋苗遍種輿情感戴洵能異常出力該地方官一再勘籌督飭紳民興辦亦甚奮勉至大京莊以上至內黃縣界舊漳河北兩隄已飭民夫量力修培其在內黃者咨河南撫臣飭修共資捍衛計漳河工程發過地價籽種運費銀二千三百餘兩錢七百餘串搭蓋高棚量辦器具銀一千餘兩錢二百餘串購買稍料繩席等物銀四百餘兩錢八百餘串添僱民夫及犒賞練軍民夫銀二千

三百餘兩錢二千二百餘串雜項錢二百餘串共僅用銀以及錢合銀七千四百四十兩三錢六分五釐
洵屬節省核實已飭於大名釐金項下撥給應請就款開銷免造細冊以省繁費其佔用民地錢糧俟查
明奏豁此後歲修仍令照章官督民辦認真經理下部知之○吳大澂奏於光緒十四年八月初六日
接准軍機大臣字寄欽奉光緒十四年七月二十七日 上諭一道並鈔發原摺二件 命臣將兩壩及
引河究竟因何貽誤實在情形並倪文蔚等被參各款逐一確查據實具奏仰見 聖慈顧念河工力求
整飭之至意臣到工之始一面察度河勢履勘壩工一面詢問案卷明查暗訪並與在工辦事人員反覆
推求悉心考察知本年春夏之交河水甚平未能早就全功一由工段過長全溜圍注口門進占實力一
由上年開工太晚料物未能應手之故當時札飭各州縣購辦稽料係按照道光二十一年祥工成案亦
非倪文蔚一人之見惟地方州縣由撫臣督催較為得力倪文蔚以辦料自任目擊河工待用情形嚴限
緩催未免過於急切而州縣奉文迫切多派胥役四處搜求擾及窮黎勢所不免臣自歸德府進省沿途
訪問亦有議及州縣辦料之艱難有欲速反遲之弊究竟何縣書差辦理不善何縣鄉民受累亦不能確
實指證其辦料遲延之州縣早經撫臣倪文蔚會同河臣李鶴年奏參在案現經臣出示曉諭專派委員
自行設廠收買民料毋庸各州縣購運以後流弊自少民情或稍踴躍道員歐陽霖前在河南歷任州縣

聲名平常因案銷級此次河臣李鶴年撫臣倪文蔚會札委辦糶料自上年十一月到工往來周家口購運料物查無實在劣跡惟係指捐江蘇試用人員尚未到省既有人言藉藉應將總辦糶料一差卽行撤去由撫臣咨回江蘇試用河北鎮總兵崔廷桂督辦引河經前河臣李鶴年撫臣倪文蔚於上年十二月會奏摺內聲明原估二千五百丈派令工賑營提督董明禮督率士夫興挑因係鄉居農民挑挖未能如式復經會檄河北鎮總兵崔廷桂督帶弁兵招募諳習挑河民夫到工改估引河共長三千丈分作九十六段空留引河頭三十丈以備臨時相機搶辦等語臣查總兵崔廷桂造報清冊內挑挖正引河及搶辦河頭共用銀六十三萬三千餘兩撥沙挖淤抽溝並搶挖川字河二道共用銀四萬五千餘兩練軍承固營勇丁口糧並雇工賑營長把總及一切雜款共用銀二萬四千餘兩統計不及七十萬兩原參撫臣倪文蔚以銀一百二十萬兩包與總兵崔廷桂辦理實無其事臣又派員乘坐小舟由引河頭順流而下逐段測量現在河口最深之處八九尺至一丈不等以下或深四五尺或深三尺五寸四十二三段間河有淺灘水深二尺至四尺不等惟六十三四段水深至六七尺引河上下均有船隻往來行駛尚不致全行淤墊以後攔壩挑河仍當責成崔廷桂一手經理惟現值庫款支絀之時不能不撙節估計總期引河深通寬闊而經費不致虛糜庶與公事有裨原參又謂大臣薪水銀每月千兩委員二百兩投効者至數百

員之多當卽行查辦工總局茲據該局司道會稟光緒十三年大工興辦後曾經議照歷辦成案由五四經費項下開支公費嗣因督辦臣李鴻藻前署河臣李鶴年撫臣倪文蔚飭諭節慎工需一切不准開支並未支送公費銀兩督辦臣李鴻藻係照部章每日支銀七兩隨帶司員每員每日支銀三兩其餘調工委員薪水查照整工成案稟明道員每月支銀一百兩知府每月支銀七十兩同通州縣每月支銀六十兩佐雜各員每月支銀三十兩投効人員均減半發給並無每月支銀二百兩章程其他省人員來工投効亦無數百員之多原奏又謂成平有直給委札之事以入資多寡定差委優劣濫竽者四百餘人查各衙門皆有札稿存案臣調閱案卷前河臣成平任內與撫臣倪文蔚會銜札委文武員弁一百一十餘人單銜札委九十餘員大半河工候補及地方州縣佐貳間有本省在籍紳士其外省人員投効者甚屬寥寥並無四百餘人此外委員在工差遣有由各局各廠自行檄委之員有因趕辦夜工隨派之員皆與成平無涉該前河臣身任大員受恩深重斷不致有賣給委札之事自係傳聞之訛原奏又謂外間傳說紹誠自河南匯銀四十萬來京一節臣在省城密訪著祥符縣知縣舒敬調取各票號匯銀總領親自查閱僅日昇昌匯京銀四千兩存公匯京銀一萬兩皆由河南匯至京城寶興隆金鋪款目較鉅並無匯紹宅字樣此外亦無匯京鉅款據各該號商人聲稱實無紹誠匯銀兩之事臣到工後又派員前往西場

銀錢庫守提該庫收支銀錢簿及日用流水各簿二十餘冊逐冊檢查核對所收銀數與藩庫發款相符所發麻價料價及土夫錢文委員薪水均係因公動用並無紹誠挪用銀兩惟江蘇候補知縣蔣文海自二月十八日至七月初三日止共領料價銀二十萬二千餘兩本年所收民料價值參差易滋弊竇蔣文海所購稽料六百六十餘垛有無浮冒事後無從稽核查蔣文海爲紹誠親戚委以購料要差領支鉅款未免不知如紹誠呈西勘委員清攢並無蔣文海銜名雖已撤差回省訪聞該員在工數月聲名甚劣跡近招搖應否請旨將江蘇候補知縣蔣文海革職以示懲儆原參謂紹誠匿銀進京查無實據應請毋庸置議至上年搶險不力之署開歸陳許道李正榮雖經吏部照例議處惟前河臣成孚已獲贖諱該前道仍復留工効力誠如聖諭僅予摘頂降調不足蔽辜應將前署開歸陳許道李正榮已革上南廳同知余漢請旨交部一併嚴議以昭炯戒上南營守備王忻業已病故應毋庸議從前在工差遣人員自奉旨停工以後業經前署河臣李鴻藻督令各局大加裁撤如再有可汰之冗員可省之浮費臣當破除情面竭力剔除以仰副聖主慎重工款之意又奏臣於初十日到工十一十二兩日親赴東西兩壩查勘工程並於引河頭上下測量水勢與壩壩文武各員詳加辯論博訪周諮有不可不辦之要工亟須預籌佈置敬爲我皇太后皇上陳之臣查東壩四十六占實量得二百一十五丈西壩六十一

占實量得三百五丈口門約計三十五丈其中泓至東壩根水深九丈西壩上首水深七丈有餘下首水深六丈查驗兩壩工程均尙結實惟西壩五十六五十七兩占衝缺正壩尙未填補整齊日內正在加鑊加築所挂埝段亦可抵當邊埝不致再有走失臣與紹誠潘駿文素未謀面亦無書翰往來公是公非自有定論臣既奉 諭詳查自應一秉至公不敢意爲軒輊但核其工程做法西壩不如東壩之切實卽捆鑊船失事之時亦由西壩趕工急切未能穩慎進占之所致論兩壩施工之難易東壩逆流進占其勢較難西壩順流進占其勢稍易故當時兩壩興工有東三四七之議以通工一百十四占計之東壩現進四十六占已得十分之四西壩現進六十一占不及十分之六且東壩於正壩之外加築上邊壩下邊壩三路並進較爲穩固西壩於開辦之先築挑水壩後就挑水壩改作正壩一道並無邊壩直至二十占後始行添做下邊壩一道移步換形胸無成竹此舉壩大員主見不定之故蓋紹誠曾辦築澤大工自謂熟諳河務不免有易視工程之見豈知工段太長專恃一壩進占力量未免單薄及至事機艱阻始圖補救之方已覺進占不能如法是紹誠之勇往有餘穩慎不足在工人員所共見其間臣平心而論東壩功過足以相抵西壩則功不抵過此後工程應於西壩添築挑水壩最爲緊要雖霜降以後水力漸微然以南北兩岸大溜三四股全注口門非有挑水壩不足以障其流而緩其力李鴻藻等會奏摺內擬築雁翅壩

亦卽此意臣查挑壩與引河相爲維繫挑壩不築不能逼溜歸入引河引河不能吸溜使復故道此一定不易之理前山東按察使潘駿文力持此議正與臣意見相同合龍之有無把握視挑壩引河之得力不得力河工有可省之費有必不可省之費所費極其輕重而不敢遷就以貽誤也至從前河北鎮總兵崔廷桂承辦引河寬深丈尺經前署河臣李鴻藻撫臣倪文蔚派員勘估係分九十六段挑挖工竣前督辦臣李鴻藻親臨閱看尙無偷減草率情弊惟向章引河不宜早挑亦不宜早放總在合龍前三兩日開放引河則一面合龍一面放水大溜所趨建瓴而下引河有吸川之勢不致泛濫無歸此次引河自行撞開本非意料所及始則分流下注大溜似覺稍鬆究不能壅正溜以達引河河水不旺其停淤易積經一次長水卽多一次積淤日久則愈積愈墊拖泥帶水人力既無所施分溜之功甚微而墊淤之受病甚深此引河不得勢由於合龍之無期非挑挖淺率之咎臣既深明其故不能不據實陳明如果承辦之員虞費誤工臣亦當查明奏劾無所用其迴護也臣到工之日卽據潘駿文稟請攔壩堵流挑深引河言之確鑿在世俗之見以爲引河分溜豈有堵塞之理臣既親自履勘引河頭所分之水僅由東壩腳週溜餘放自南而北復自北而東紆迴曲折祇此一綫分流灌入引河至多不過十分之一其灘面浮水平流不過尺許實不足以資宣洩現在引河頭深處自一丈至五六尺不等兩旁所積淺灘時隱時現若不設法挑深

轉瞬霜清水落其洞可立而待欲大溜之歸復故道非深挑引河頭不可雖與前督辦臣李鴻藻前河臣李鶴年等會奏情形稍有不符而河勢變遷不一自當隨時相機辦理未便拘執成說致誤要工應如何擇日興築估挑之處臣飭鄭工總局司道會議稟復即行趕辦臣與該司等核計時日攔斷以後須二十餘日方可乾涸估挑引河頭須兩月方可竟功而霜清後東西壩進占兼築挑水壩約計兩月內可望合龍現將派員設廠收料各事宜竭力催辦以便興工後趕築堵壩總期早日肅事上慰宸廑上諭前因河南鄆州大工日久未能在事人員辦理不善並據御史劉綸襄奏起烈奏參糜督誤工各款當經諭令吳大澂於到任後確查具奏並將該工情形速勘妥籌茲據查明劉文蔚以辦料委之州縣係援照祥工成案辦理該撫目擊河工待用情形趨催未免過急書差擾累並無確據總兵崔廷桂挑挖引河用款造冊開報不及七十萬並無一百二十萬包辦之事引河上下均有船隻往來亦未全行淤墊在工人員薪水係照歷辦成案支銷投効並無數百員之多成乎賈札紹誠匯款均無其事即著毋庸置議道員歐陽霖委辦稽料並無實在劣跡惟人言藉藉著撤去總辦差使咨回江蘇試用紹誠於應辦工程師心自用委任伊戚將文海不知遠嫌著撤去掌壩差使俟經手事竣再行回旗知縣將文海聲名甚劣跡近招搖著即行革職降調留工前署開歸陳許道李正榮革職留工上南屬同知余潢上年搶險不力均

著交部嚴加議處○甲午劉錦棠奏投効新疆及隨征剿各武員多由軍營立功堪資差遣除曾經奏
留改留甘肅補用者均毋庸議外其有未經奏改者應照章奏明改留甘肅新疆補用以資得力而符
定制茲查有現署理阿克蘇鎮總兵頭品頂戴恩奏提督雲騎尉世職阿爾杭阿巴圖魯董福祥頭品頂
戴題奏提督倭欣巴圖魯張俊頭品頂戴記名提督納齊欣巴圖魯杜錫斌頭品頂戴記名提督奇臣巴
圖魯張宗本記名提督年常阿巴圖魯楊先勝記名提督納恩登額巴圖魯趙奉樂記名提督利勇巴圖
魯申允誠提督銜記名總兵年常阿巴圖魯禹中海題奏總兵博卿額巴圖魯查春華儘先補用副將張
天有副將銜儘先補用參將育勇巴圖魯張宗文參將銜儘先補用游擊藍德清二品頂戴儘先補用游
擊武勇巴圖魯廖克明儘先補用都司張鴻疇等十四員均在新疆帶隊迭著戰功熟習邊防營伍若以
原官原銜留於甘肅新疆儘先補用於營伍邊防實有裨益得 旨允行○乙未呼倫貝爾副都統薩克
慎以病免○以華齡爲呼倫貝爾副都統○丙申夕 月於西郊遣管祺行禮○希元等奏吉林地方遼
闊自咸豐年間軍興餉絀歷請放荒以收地利當時迫於籌餉急於得價原准擺頭葉總包領以其交價
速而能濟急也迨經攬頭零星劈兌不論佃戶之良莠地土之沃瘠惟利是圖其於查分界址核扣晌數
攤定租額率皆出自臆度甚有彼交價而此得荒此墾租而彼重納者弊竇多端指不勝屈以致各荒佃

或因界址多錯頻年涉訟或因租地薄拋墾潛逃數十年未能澈底清釐相沿已久幾有積重難返之勢此次自光緒六年遵奉部文統行核勘當派委員數十起攜帶繩弓分赴各荒履畝勘丈並在省城設立荒務總局撥派精明綜核之員專司核辦通省一切荒務事宜行丈之初勢豪則玩抗阻撓頑民則恠觀望辦理殊形棘手該委員等乃能勸懲兼施妥爲勘丈統令租地歸實抑富豪而加其浮荒拯貧民而減其空賦查辦九年之久始行一律完竣凡從前之套界浮地空租一切積弊無不澈底查明隨時結辦於是經界正租額公民困蘇訟端悉將數十年糾纏莫解之輾轉至此爲之一清統計此次勘辦新陳荒地一百零一萬餘畝收得荒價錢一百十餘萬千每年較前又能增收丈出浮地並新放各荒大租銀六萬餘兩之多按年添此進款實於餉源大有裨益雖由奴才等督飭辦理不准稍形鬆勁亦賴各委員等實心任事始能觀成所有在事員弁或極風沐雨奔走荒郊履畝勘辦或綜核荒價賦額殫精竭慮不遺餘力均屬著有勞績奴才等謹擇其在事尤爲出力之文武員弁三十三員名籲懇 天恩俯准分別獎勵以昭激勵下部議奏○丁酉予怡親王載敦病假一月○以奎潤兼署鑲紅旗蒙古都統○庚子諭本年安徽鳳陽潁州泗州及濱臨淮河各屬被水江蘇揚州鎮江徐州江甯及安徽廬州滁州並安徽以下各處山田被旱各該地方荒歉情形殊堪憫惻諭屆冬令小民覓食維艱朝廷軫念災區無時稍釋亟

應預籌賑撫以拯民命著將本屆江北應行海運漕米並水腳運費雜款一併截留爲江蘇安徽兩省各災區賑撫之用卽著會同該省督撫陳督同司道查明被災處所酌量分撥嚴飭印委各員確查戶口核實散放並將以工代賑各事宜認真經理總期實惠及民毋得稍有弊混用副加惠災黎至意○壬寅

上詣 壽皇殿行禮○癸卯以奕謨署鎮黃旗蒙古都統○以清安徽信署鎮藍旗滿洲副都統○慶裕

等奏奉省於七月初間大雨滂沱河水陡漲淹斃人口衝倒房屋並 永陵泊岸被水衝刷情形業經兩次奏報在案茲據鳳凰廳稟報該廳地方河水泛溢平地水深數尺官署及附近民房均被水浸四鄉禾稼被淹又安東縣稟報該縣地方平地水深二三尺不等衝毀民房衝失殆盡街市舖房祇存十之三四官民皆避水於近城之元寶山又通化縣稟報該縣江水陡漲衝開隄城內城外一片汪洋衝毀民房衝塌不少又遼陽州稟報該州太資河水勢漲發加壘上游山水陡至沿河一帶平地水深五六尺不等城內水深尺餘又海城縣並牛莊防守尉稟報該縣遼河水漲泛濫出槽近城一帶平地水深三四尺不等沿河低窪之處禾稼多被浸淹房屋亦多衝塌城西牛莊一帶切近河干地居下游幾成澤國牛莊城自來投到及救到難民數千餘人又蓋平縣稟報該縣河水盛漲加以山水併注雨狂溜急衝塌城牆數處沿河一帶舖戶民房衝塌不少城內衝毀民房亦多傾頽又岫巖州稟報自七月初一日起大雨七

晝夜河水漲發城南沿海一帶被淹尤甚現派差弁往查有無淹斃人口衝失房間連爲查報又興京屬
稟報該縣山水驟注河溜陡漲該同知駐紮新賓街沿河一帶被災者二十一家衝塌房屋一百零三
間其四鄉被水之區因河水泛濫道路不通一時無從查報又奉錦山海關道稟報營口牛莊等處被水
派文武員弁馳赴各處拯救災民設廠煮賑又東邊道稟報所屬被水情形併稱中江九連城地方水深
丈餘惟稅局房屋以及民房鋪房衝塌甚多並據各該縣州縣聲明被水之區尙未查明田禾被災分數
飢民亟待賑濟難以從緩淹斃人口在所不免尙未查清數目各等情陸續具稟前來奴才等查此次水
災蓋因大雨連綿奔騰暴注水勢發自東山沿河入海泛溢橫流幾及千里水到之區人口牲畜房屋器
皿漂沒者不可勝計已成巨災子遺黎民自應迅速安撫俾免流離當經奴才等奏明先行籌銀三千兩
委員在近省一帶設法撫恤收養續又發給安東縣銀一千兩通化縣銀一千兩牛莊防守尉銀三千兩
山海關道銀二千兩興京銀二千兩遼城守尉知州自行籌款東錢三萬吊又奉錦山海關道在營口資
善堂籌銀三千兩又東邊道奎訓籌給安東縣銀一千兩鳳凰縣銀五百兩又由牛莊防守尉奇卑布自
行捐銀二百兩奉錦山海關道誠勳捐銀四百兩營口海防同知章樞捐銀二百兩各歸各處賑撫以延
殘喘惟念各處災民甚多蕩析離居深堪憫惻若僅照向辦章程調緩極租寬免分數折抵行糧轉瞬冬

令無補饑寒誠恐強者流而爲匪弱者委填溝壑此後情形實有不堪設想者奴才等再四思維惟有查照光緒十二年分水災成案分別發倉無論旗民普加賑濟遼陽海城蓋平等處州縣均有存儲倉糧卽行飭令就近發倉賑撫東邊道所屬安東等處並無倉存擬於驛巡道庫提存三成米價項下撥給賑撫各處旗倉存儲米穀現已無多擬由各屬民倉借撥一俟豐收有餘之年再行歸還合無仰懇 天恩俯念災民困苦顛沛流離准如所請撫恤以全民命而安地方奴才等現已委員分赴各處會同各地方官清查災民戶口或計口授食或設廠煮粥或給予錢文自行買食各就其地之所宜酌量辦理統俟撫恤完畢造冊報部核銷被衝地畝輕重不等已飭各地方官詳勘分數再請蠲緩高阜之地水過全消尙可有秋通省約計雖年景不無減色而米糧不至缺乏民情尙屬安定堪以仰紓 宸廑此外未報各屬州縣有無被災因各處道路爲水所阻尙未報齊倘有續報之處再行據情入告得 旨覽奏被災情形深堪憫惻著照所請趕緊發倉撥款賑濟一面飭屬確查被水災區分別妥爲撫恤毋任失所○甲辰倪文蔚奏向來統兵大臣及將軍督撫辦理軍務糧餉等事遇有出力之人往往賞給自九品至五六品功牌名爲軍功頂戴始於乾隆五十一年福康安剿捕臺灣之役嘉慶九年曾奉 諭旨飭禁搜給追咸豐年間東南軍興因軍營出力人數衆多不能概登薦剡勞績稍次者乃獎以功牌於是又有賞給五品翎頂

牌札者其初不過以斬將奪旗登城陷陣宜援軍賞不逾時之義以鼓士氣故先給札文旋予奏獎其後則人不必軍營案不必奏咨而濫滋甚矣同治元年經御史梅啟照奏請明定功牌限制欽奉 上諭此後賞給功牌仍不得過六品以示限制等因欽此各省欽遵在案自 臣蒞豫適有河患辦料辦工官紳紛紛以五品頂翎獎札功牌爲請伏維頂戴爲名器所關翎枝尤殊勞之獎 恩施自上非臣下所敢專豫省軍旅之後濟師西征治兵日久發給此頂牌札亦最多斯獎與翠羽屠沽冒章服此功戰士則跡摺紳愈濫則愈輕一旦設有事用人而功名不足以鼓舞非細故也 臣恪遵憲典凡逾限制概行駁斥並飭地方官嚴行誡諭一切軍功頂戴不得擅用補服朝珠及恃有頂翎在外滋事者加等治罪以明制度而儆潛踰報聞○乙巳奕譞奏 臣奕譞自去年患病瀕危數四仰賴 恩賜醫藥餘生得以保全歷蒙 命駕視疾 溫綸懋賞綢繆聯蕃自顧庸愚渥叨 高厚滿擬趕緊就痊稍圖報効詎病久益弱四肢迄未如常動需扶掖肝症雖愈心氣大虧偶有思慮輒頭暈氣促實非旦夕所能奏效伏思向來臣工因病請假從未有如此之久而仍不請開差使者特以海軍爲創辦事務章程未定不敢遽懇退閑現經李鴻章博採外洋規制參以中國軍律與 臣等往返商榷擬章程已於本日恭呈 慈覽從此大綱既立一切條目隨時損益自易爲力現距 歸政祇有數月 臣自揣庸軀仍難勉出當差惟有瀝陳下情仰懇 慈恩

開去管理海軍衙門神機營差務俾臣安心調理一俟就痊謹當躬詣闕廷叩謝鴻施設有關繫時

事要務臣既爲休戚相關之人當擬數陳於御座之前斷不敢但持退藏初志上負高厚生成之德

奏入欽奉慈福端佑康頤昭豫莊誠皇太后懿旨醇親王奕譞奏海軍章程已定病仍未痊歸政有期

懇恩開去差使一摺醇親王體國公忠經猷宏遠數年來創辦海軍盡力籌維悉臻妥善上年抱恙未痊

復力疾綜敷孜孜不倦現在章程已定詳加披閱鉅細畢賅有條不紊洵爲經國要圖茲據奏病久體弱

懇請開去海軍衙門神機營差使在深宮繫念之情本不忍責以政事致多勞動惟念海軍關繫重大迴

非尋常庶政可比目前規目粗定嗣後應辦之事正多非特宮廷軫念時艱冀歸盡善卽醇親王休戚相

關之意何能恕諸數月以來迭次視疾見王眠食精神漸臻康復所有海軍衙門一切事宜仍著醇親王

照常總理庶會辦諸臣有所嚮承足以竟全功而垂久遠其神機營事務並著照常管理明年歸政

後該衙門具奏事件毋庸列銜俟海軍著有成效由王斟酌情形奏達深宮再行降旨王務以國事爲重

勉肩鉅任不必推辭一面著自珍攝傳氣體日就強固用副委任之至意○慶裕等奏奉天所屬渾

河太資河均與鴨綠江相通安東縣治瀋陽江岸通化距江甚近易遭水患本年六月間卽傳聞朝鮮

州大水鴨綠江盛漲加以本境秋雨連綿兩事相值江河並漲巖壑奔流水勢異常洶湧渾河又與興京

蘇子河接連下與遼河之水同時泛濫遂致安東通化興京鳳凰城承德遼陽海城蓋平岫巖等關州縣俱罹巨浸計自東邊遼遼至西南營口牛莊等處綿亘千里都成澤國詢之耆老云此次水災實爲百數十年來所未有雖經奴才等多方籌賑委員拯救無如變起倉猝人力所不及施兼以大水所經地方遼闊登時漲湧道路不通節節阻滯無法救援以致沿江沿河田廬漂沒人口淹斃不計其數所幸永陵地形高峻 啟運門內未經進水得保無虞僅止 陵街泊岸 行宮朝房官民房被水衝刷惟念小民遇此奇災淹溺無算其幸保餘生者率皆無屋可棲無田可植哀鴻遍野慘不忍言奴才等每接屬員稟報五中悽愴寢饋難安思維其故變不虛生總由奴才等以庸劣之材謬膺重任待罪五年愆尤叢集致令十一年迭逢秋潦本年復遭此巨被被災尤重撫躬自省負疚滋深刻下雖力圖善後補救已遲上無以慰 九重宵旰之憂下無以拯百姓流離之苦奉職無狀咎實難辭惟有仰懇 天恩將奴才等立予罷斥另 簡賢能俾期感召 天和以慰災黎而儆不職得 旨覽奏已悉地方罹此奇災該將軍等自應倍加儆惕現在賑撫事宜極關緊要惟當實心辦理以資補救正無事空言引咎也○丙午賞給普濟堂資善堂等處米石○丁未賞恆明副都統銜作爲伊犁察哈爾領隊大臣○是月京師有疫

東華續錄

光緒九十一

臣朱壽朋敬編

臣潘鴻鼎恭校

九月己酉朔奕譞奏恭查雍正二年禮部奏請將世宗憲皇帝潛邸升爲宮殿當蒙俞允乾隆五十九年兩次欽奉聖訓分交上書房內閣存記恭讀諭旨內載將來我子孫內有由藩邸紹承大統者並應永遠欽承用昭法守等因欽此臣奕譞現居邸爲皇帝發祥之所仰稽成憲敬繹綸音應否恭繳之處伏候皇太后訓示遵行奏入欽奉慈福端佑康頤昭豫莊誠皇太后懿旨醇親王奕譞奏現居賜邸爲皇帝發祥之所敬稽成憲應否恭繳請旨遵行等語醇親王府第爲潛邸應恪遵雍正二年成憲及乾隆五十九年諭旨升爲宮殿著准其恭繳貝子毓櫺府第著賞給毓櫺居住並賞銀十萬兩由王自行修理俟修竣後再行移居西直門內半壁街空閒府第一所著賞給毓櫺居住並賞銀一萬兩修理所費銀兩均由戶部發給○庚戌升泰奏奴才自到藏任留心察看邊事有不得不緩晰明言者謹再爲皇太后皇上密陳之查藏番自作不靖肇起兵戈所有隆吐山南北皆舊孟雄地方在英人雖視爲保護境內其實舊孟雄布魯克巴皆西藏屬藩每屆年底兩部長必與駐藏大臣

呈遞寶票駐藏大臣厚加賞賚以撫綏之在唐古特則自達賴喇嘛以次均有額定禮物商上亦回賞綬
疋銀茶與兩部回信底稿均呈送駐藏大臣查核批准照繕始行回覆哲布兩部遇有爭訟亦稟由藏酌
派漢番辦理此哲布係是藏地屬藩之實在情形也查布魯克巴哲孟雄兩部長於光緒丙子等年曾經
各遞稟票以洋人有窺藏之心迭請早爲設法辦理雖經前西藏糧員四望關通判周添帶同戴坪扎喜
達結往辦該員等略給費需只取哲孟雄空結一紙敷衍了事不問事之是否可靠亦不妥籌善後惟圖
粉飾目前貽誤邊疆其禍實自此始嗣後哲吏知藏番並無遠慮始放膽與洋人交接又復貪利取租以
致洋人修路直至捻納迄今仍係租界此又藏中自失藩籬之根由也藏番既不知優待邊藩遇有哲孟
雄受人欺凌亦不爲之伸理斯時漸覺洋人有逼己之心忽又懷奪哲孟雄之地以爲己有更揚言哲吏
私結英人屢議起兵攻伐以致哲夷內不自安不免勾結匪徒使英人雖不願多事而不能藏番實自速其
禍此又藏印交兵之所由來也刻下藏番自四月十三日戰敗之後不思設法弭患又復添調各路土兵
分山小道調至帕克哩其兵沿途騷擾隨意劫掠管帶不能鈐制當差良民大遭荼毒管糧番官又多減
剋時時自相內訌兵無鬪志人有怨言除向隸藏城額設之兵三千及工布兵數百人差可用命餘則悉
係烏合現割帕隘以外者一萬餘人分布各口者又數千人倘一旦敗退譁潰則數千里臺站伏莽增多

此則內患之堪虞者也又近年開導之難實因當日初有洋務之時商上辦事人等思欲聚眾以抗駐藏大臣故邀三大寺僧眾以因教爲名共立誓詞云藏地男女不願與洋人共生於天地之間此後藏中無論如何不得有違此誓如藏中大小辦事人等但有違犯此誓卽係有背黃教人人得而誅之此本當日不肯人等爲聚眾抗官之謀三大寺僧眾亦藉此干預諸事今則事機臨危未嘗不有明白事理者以爲迭奉 聖諭亟宜遵辦卽此次接奉 特旨第穆亦知懷畏無如遲遲初議卽禍在目前雖掌辦商務之尊恐亦不免其自囑布倫以次更不待言窺其情形似非捨命再博一戰雖望轉機此奴才查其隱衷而言非該藏番等自有是語也若云以後事宜藏番之心實不願英人據兵隆吐以免帕克哩一帶人無寧患此時兵尙未撤委員不便前往且委員赴彼辦理外事宜係與英人何人會議未知究竟應請 飭詢英使由總理衙門知照藏中俾後日得以遵辦庶無隔閡至近年藏番異常刁險刻因自敗兵戈連沐聖慈設法保衛尙不自知感悟卽此次接奉 特旨第穆及囑布倫中一二人其意極願遵 旨速行撤兵乃有僧俗數人敢於出頭阻撓因而附會實繁有徒竟至語侵第穆實屬狂悖似難姑容第藏衛距川太遠餉絀兵單當此邊荒多故之時無事不形掣肘奴才萬不敢不出之審慎籌慮萬全是以受事兩月以來惟有相機駕馭期其漸就範圍不致另生枝節以冀上紓 西顧之憂耳下部知之○癸丑諭給

事中俊又奏外任實缺官員終養丁憂服滿請准分發原省補用一摺著吏部議奏○甲寅陝西巡撫葉伯英卒賜卹如例○以張煦爲陝西巡撫○以清安兼署禮部右侍郎○以紹祺兼署禮部尚書麟書兼署工部尚書○以廖壽恆兼署工部左侍郎曾紀澤兼署刑部右侍郎○以豫山爲山西布政使薛福成爲湖南按察使○以奕綱署鑲黃旗漢軍都統載漪署正紅旗漢軍都統錫珍署鑲紅旗蒙古都統本格署正藍旗漢軍都統榮祿署鑲藍旗漢軍都統○以恩全署鑲白旗滿洲副都統○丁巳沈秉成奏蒼梧等州縣河水漲發田廬被淹象州地方被災尤重擬分別籌款撫卹得旨著飭屬分別妥籌撫卹毋任失所○戊午予故江西九江鎮總兵黃開榜於江蘇高郵州建祠○諭前據李東衡奏已故前任廣西巡撫張凱嵩功德在民據本籍紳士請建專祠並將事蹟宣付史館當經降旨允准嗣經都察院據廣西京官劉宗標等呈請代奏並御史李士琨奏臚列該故撫賢劣各款請收回成命當交沈秉成逐款詳查茲據奏稱查明各款均無確據惟張凱嵩果係品詣純粹功德入人自必羣情悅服何至毀譽參半衆論不平等語張凱嵩既非政蹟昭著輿論胥治所有建祠之處著卽撤銷○李鴻章奏北洋創練水師購置鐵甲鋼甲快船身大力重喫水較深不能駛進河口因擇定旅順口內西澳山圍沙互形勢天然堪爲師船停泊之處惟口狹底淤非大加開濬不能展輪下旋前已購造挖海接泥各船勸加疏治其挖出淤泥必

須小輪船拖帶出海遼卸方免口內阻塞原僅利順小輪船一隻不敷往返拖駛接泥船亦復短少軍用緊要不得不時添備當飭大沽船塢製造暗輪鋼拖船一隻名曰遇順身長一百二十尺寬二十尺喫水八尺五寸船身用鋼板船面用柚木板造成氣缸三具康邦汽機全副馬力三百五十四匹每點鐘行十二海里極為堅利靈捷且艙面平厚有事時即可撥兵設廠爲安置水雷之用實於工程有神計連舢板兩隻桅索裝修及一切應用器具物料俱全並帶小火輪舢板一隻除工價由船塢月支經費內開支外實用料價庫平銀三萬四千一百六兩有奇又另造大小鐵駁接泥船六隻亦均一律堅固實用料價庫平銀三萬九千四百二十七兩有奇均在北洋經費項下設撥應俟彙案報銷至該輪船常年用欸除煤炭油修一切活支之項難以預定外計配設管駕人等二十六員名月支薪糧銀四百十四兩並以該船輪機均係新式暫屬洋管輪馬庚一名指授理法議明當差三箇月期滿卽行辭退未經訂立合同月給薪水銀一百八十兩均自光緒十三年十月分起在北洋經費項下開支除洋員現已遣撤並將管駕人數開單分咨海軍衙門戶兵二部外所有開濬旅順澳工製造遇順鋼拖輪並鐵駁等船緣由理合附片具陳下部知之○庚申祭 歷代帝王廟遣凱奏行禮○辛酉以裕超爲陝西按察使○癸亥賞給五城等處粥廠米石○甲子希元奏吉林省城西北爲長春廳境本古郭爾羅斯前旗游牧地也乾隆時以

墾荒民戶安土重遷遂有借地養民之舉嘉慶五年始奏設理事通判於長春堡並設巡檢以司獄事道光五年因所屬寬城商賈輻輳移建通判衙署於此以資撫輯地闢而民未聚控制自綽乎有餘自咸豐年間馬賊肆擾以後流民日多撫循亦非易易光緒七年前任將軍銘安於吉林變通官制時奏改理事通判爲撫民通判仍加理事銜僅於農安城添設分防照磨專司緝捕其時方於省城及東南兩面添改府屬州縣各缺經費不敷未遑兼顧非謂該廳獨可因陋就簡也奴才到任後訪知長春一廳案牘最繁號稱難治體察久之乃益深信查長春幅輳周五百餘里以南北相距最遠者計之幾及三百里東西亦然四境惟缺東南西南兩隅廳城在南面適中而東西北三面空闊無比其勢偏重境內無山以山名者皆高阜耳既無險阻可恃又僅有駐紮馬隊二起並無重兵一遇盜賊肆擾此拿彼竄如入無人之境則地爲之也其形勢之散漫如此該廳居民雖非土著然休養生息已百餘年當時所稱爲荒何者今則屋宇櫛比雞犬相聞三里一小屯五里一大屯而省東一帶無如是之稠密也其生聚之繁庶如此該廳戶口既盛良莠雜處匪蹤即露弊端奸宄易於匿跡命盜等案紛至沓集往往印官勘驗方急南轅旋更北轍一月之內大半忙於奔馳公事積壓耽延勢所不免廳民又多好訟距城爲遠之民一經被告車馬盤費不貲甚有因此抗傳者守候追比累月窮年官民交困其政教之難孚而訟獄之滋疊又如此所以奴

才在任五年爲該處因地擇人往往於守丞班內借員委署而終未奏補一人者職是之故前者吉林道豐仲泰有將該廳分建府縣之請正飭議辦適值鄭工籌款孔殷不果茲飭據候補知府王鳴珂會同現署長春廳通判賓州廳同知警慶廬勘明確繪具圖說由道詳覆前來奴才詳核無異查原設通判所駐之寬城爲吉林赴奉天通衢大道實省城西北門戶今擬請將通判一缺升爲府治改設知府名曰長春府仍仿照本省吉林府之例自理地面命盜詞訟各事而於寬城正北相距一百二十餘里之農安城分設縣治名曰農安縣歸府統屬一切公牘由府核轉以符定例農安正北西北直達蒙古東北限以松花大江東與伯都訥廳西與昌圖府接壤均可毋庸置議當以南劃兩儀門西南自八保戶起至窪中高等處東南以紅石砬子靠山屯南面之驛馬河爲止計南北相距九十里東西相距二百數十里均歸農安縣管轄至靠山屯一處雖已劃歸農安而相距尙在百里以外近來烟戶較前爲稠擬請將農安原設分防照磨移設該屯以資巡緝惟長春既升府治應請將原設訓導改升教授原設巡檢改升經歷兼司獄事其裁撤之巡檢歸於裁缺班內遇缺卽補並於農安縣添設訓導巡檢各一員巡檢管理監獄以專責成至廳屬地租向歸郭爾羅斯公自行設佃徵收官爲督催而已惟雜稅解款及照章支給一成書役工食並酌留署內辦公錢文應以府歸六成縣歸四成各按原數分別解支以符定額而重公款奴才明知

事關官制未容輕議更張況去任有時何妨自安緘默而終不敢不據實上聞者爲民隱計爲吏治計爲地方久遠計無他念也下部議奏○丙寅慶裕等奏奉省西路各屬州縣承辦要差請以實銀核銷俾免賠累允之○丁卯薛成貴妃於西陵慶妃於東陵○升泰奏奴才於五月二十六日抵藏曾將接印日期由驛具報旋據寧辦商上事務第穆呼圖克圖及商上大小番官僧俗公同遞具夷票譯其情詞與歷年所陳語言並無稍別又聞商上前已催調多兵遣者數千里近或數百里均在帕克哩取齊尋仇之念似屬甚堅當將所陳夷票逐層駁詰復添派委員妥婉開導查核番衆來票總以隆吐之南日納宗爲藏界伊等設卡係在境內英人無端恃強動兵侵地曉辯不休奴才途次奉到電傳諭旨亦飭查明隆吐究竟屬藏屬皆毋得稍有捏飾是確查邊界實爲此案緊要關鍵據藏中官吏愈稱前大臣文碩在任時亦曾飭查檔案實未尋得等語奴才竊思經界爲地方要政從前豈無案卷必因年久夾入案叢未能卽時覓得所致當派員將所有新陳各案卷概行檢閱始於多年未經調閱案卷堆中尋出乾隆五十九年前大臣工部尚書和琳內閣學士和瑛任內所立奏設鄂博原案一卷註明藏內界址係在距帕克哩三站之雅拉支木兩山設有鄂博又有春丕日納宗兩處上年雖係藏界因乾隆五十三年廓番用兵將哲孟雄追過藏曲大河哲番窮蹙經達賴喇嘛將日納宗地方賞給哲孟雄管理原派委以西藏

游擊張志林原稟卽聲敘日納宗不應作爲藏界只在雅拉支木兩山設立鄂博高下尺寸開單詳載稟詞甚屬明晰此卷圖惜已抽失又於工房覓得舊圖一張並註明納湯地方係是哲孟雄邊境藏屬南面極邊界線之上亦繪有雅拉山是雅拉山卽係藏屬南界可無疑義至藏番設卡之隆吐山以舊圖考之實無隆吐之名以新圖考之雅拉實在隆吐之北以英人所云日納宗在隆吐之北數十里而藏番新圖則日納宗又在隆吐之南顯係藏人多繪此一段飾稱藏界實難逃 聖明洞鑒也奴才既經考查明確實將原卷舊圖發交開導委員等轉給藏番閱看令其明白稟覆該番等雖有愧色繼以日納宗本係藏境從前雖經賞給近因哲夷私通英人應卽收回自管狡辯不已正在開導間旋奉五月初九日電傳寄諭飭令專交第穆一人辦理奴才遵卽恭錄譯用漢夷雙文合璧委員實交第穆祇領欽遵旋聞第穆傳齊大眾集議數日亦復衆口嚶嚶多日不能議覆奴才恪遵 訓示加以策勵又復委員赴羅布林岡面見第穆曉以大義說以利害並切囑其毋得惑於衆論實在該呼圖克圖一人據委員回稱開導之際第穆亦甚著急無如僧衆繁多必須集議又須降神問卜再行稟覆奴才深慮第穆胸無把握復將該呼圖克圖傳至署中諄諄面諭授以機宜告以如能自主辦理妥協固屬甚善倘有爲難不決無妨酌擬數條奴才爲之代定一策若慮番衆僧俗退有後言卽作爲係出自駐藏大臣之意奴才亦不辭受怨更囑

其將兵先行撤入帕克哩洋人若在藏兵撤後再行進兵則是違約在彼縱屬失地不難索回若藏兵先出則以後事機萬難辦理與之切囑再三並許由奴才札飭布魯克巴哲孟雄兩部長就近親赴英營云藏番因畏其進逼故難先撤印兵亦宜克踐前言早爲彼此約期同日撤退仍由奴才致信英官促其速撤該第穆頗以爲然願與大眾開導遊行詎有刁健僧俗數人仍固執梗阻其間第穆亦覺無法以制忽又接後藏糧務試用知縣秀蔭會同署任都司包映桂會遞印稟據探差報稱英人於六月二十八日添兵九百餘名又運來大礮六門等語第穆旋亦呈稟云前奉 特旨亟應撤議遵辦近因接到邊報六月二十五等日我兵在營邊諭靜候洋人忽來略拉燃礮七門出隊一百餘人來撲我營正擬迎敵忽值大雨昏霧四塞英人旋即折回近又接報云洋人添兵運礮七月初八初九等日亦然前來挑戰我兵嚴備以待旋即中止又探得廓爾喀前王出奔印度之子果爾維捻山印帶兵五百餘名業已行過獨存嶺將兵將皆境所有道路概行修治並不日即來前敵助戰哲逆頗當喇嘛康薩卓尼爾本在敵人前營近日又復折回不知商議何事是以衆情疑慮擬不日接到邊務有何確實信音再當陳稟等情前來奴才前諭一切第穆及噶布倫等雖有遵辦之心而僧俗中尚有梗議今又因洋人添兵運礮種種情形以致停戰之結忽允忽翻遲疑不止延候二十餘日令人日夜焦灼查藏地僻在山陬人少知識然其賦性狡

險有行反覆無定奴才初到此地恩信未孚凡遇事未敢操之過感亦不敢稍涉因循初以該番人等不任越界之咎偏查得卷幾至匝月始得確據原擬催促將兵撤回一併奏陳差可上紓宸廑不意藏番如此昏謬梗頑辦理實屬不易七月初十五等日藏番本欲出攻英營均因奉到諭旨奴才告誡至再始行靜候一月之久近又因洋人兩次撲營添兵運餉藏番更得有所藉詞奴才若不及早上聞實恐再有戰爭難辭疎忽之咎用敢據實先行縷陳仍再設法盡力開導並嚴飭後藏文武派丁嚴密偵探復由藏密派妥弁確查情形伏乞 飭下總理各國事務衙門詳告英使轉電印督約期撤兵並囑嚴飭印兵毋得再動或先行撤過降吐以便此間嚴飭藏番遵辦若印兵所行與英使所言不符則奴才在此無論如何辦法終不能見信藏番於事恐屬無補此後印兵再出藏番必不能束手待斃將來英人似不得謂為戰爭所得又增無限唇舌也 上諭軍機大臣等升奏奏遵旨傳諭第穆呼圖克圖並查明藏番界址開導情形各摺片所陳各節明晰周詳頗中肯綮現據總理衙門轉奏劉瑞芬八月二十八日電信內稱印兵在熱勒巴拉山近處與藏兵攻戰藏兵傷亡數百印兵追入微畢山岔等語九月十五日電稱接英外部照覆云來攻納蕩英營統領克拉哈瑪已遵印度政府之諭不可佔據西藏之地故退入微畢後立即退回並接印督來信云駐藏大臣擬於西十月初三日由拉薩起程赴邊界印督已派政事官保

爾前往會晤並云現有駐藏大臣調處甚望邊界之事速行了結等語與該大臣片奏所稱非再博一戰難望轉機之旨情形脗合刻下該大臣想已與保爾會晤藏哲界址既已查明印督又有甚望速了之語著卽熟商妥辦一面嚴飭藏番勿得再出滋事卽將會商情形隨時飛咨劉秉璋迅速電奏以慰廬系將此由六百里密諭知之○戊辰調連慶爲江甯副都統以英信爲正白旗蒙古副都統○庚午 上幸昆明湖山水操○壬申以姜桂題爲廣東瓊州鎮總兵○甲戌漕運總督盧士杰卒賜卹如例○以李瀚章爲漕運總督○諭劉銘傳奏官軍攻克番社迭次獲勝請將出力人員獎勵一摺福建臺灣南隴呂家望社叛番勾結大莊等處番匪膽敢抗拒官軍傷亡弁勇並圍攻屬治寶屬愆不畏法經劉銘傳檄飭將弁分路攻擊並調派輪船分兵協剿當將呂家望番社攻克殄斃兇匪數百名並將大莊等處番匪先後擊散斬馘甚多辦理尙爲得法在事出力人員自應量予獎勵總兵丁汝昌吳宏洛均著賞加頭品頂戴萬國本張兆連均著以提督記名簡放張兆連並賞給勝勇巴圖魯名號提督李定明著賞穿黃馬褂副將鄧世昌著以總兵記名簡放並賞加提督銜遊擊葉祖珪著以參將儘先補用並加副將銜副將李萬有著以總兵記名簡放參將龍斌概等均著以副將儘先補用並賞加總兵銜都司林文和著免補遊擊以參將在任候補並加副將銜劉思盛等均著以遊擊儘先補用並加副將銜縣丞孫渥著免選本班以

知縣不論雙單月前先選用外委畢寶印著免補千總把總以守備儘先補用已革副將鄧炳南著開復原官其餘出力各員弁並著彙案核實請獎毋得冒濫陣亡將弁勇丁准其查明請卹仍著該撫督飭各軍將弁將各社分別剿撫以靖地方○諭劉銘傳奏特參貽誤要公各員請旨懲辦一摺福建臺灣嘉義縣知縣試用知府羅建禧勘丈田畝朦朧欺飾並膜視民命廢弛公事著卽行革職聽候查辦代理鳳山縣知縣候補通判吳元韜承辦清賦敷衍粉飾著暫行革職仍責令隨同勘丈以觀後效該二員均有虛糜經費情事著分別勒令賠繳毋任延欠○諭劉銘傳奏參代理同知昏庸貽誤等語代理埤南同知福建候補布庫大使陳燦不恤輿情挪用口糧並有擅離職守苛派單費情事實屬昏庸貪鄙著卽行革職聽候查辦○乙亥童華因病奏請開缺不允子假一月調理○內子欽奉 慈禧端佑康頤昭豫莊誠皇太后懿旨皇帝大婚典禮前經明降諭旨一切遵照會典辦理早據禮部單開皇帝大婚前期遣官祭告天地太廟後殿奉先殿禮節請照案前二日舉行當經查照會典改爲前一日黏簽宣示該部宜如何敬謹遵行以昭慎重乃昨據繕奏清單仍開列大婚前二日祭告殊堪詫異此次該部於具奏典禮摺件漫不經心屢有舛錯均未加以究責茲竟於祭告大典遷改日期並不細心照繕律以有心錯誤咎復何辭所有禮部堂官及承辦司員均著交部嚴加議處○吳大澂奏秋汛以後陝州萬錦灘黃

河據報於七月初十日陡漲水二尺二十一日接漲三尺八月初十日續漲二尺武陟龍王廟沁河據報於七月二十二日陡漲水一尺八寸共計一月之間沁黃二河水勢報漲至八尺八寸大溜匯歸而下口門逼上北岸之黃沁關欄黃埕官工增壩不免間多刷蠶沁河汛埝工亦有被蠶段落均經該道臚督率營汛隨時分別庀拋高整南岸上南關屬榮澤十堡正當邱山根脚黃河坐灣塌成南圍之勢側注東行以致大溜團臥趨刷不移該堡順堤埝工屢廂屢塌籌防大堤工存料物無幾其勢不能不趕籌廂護現已由臣酌派委員前往該工幫同該管河廳設廠買料以資廂修迺下將軍廟胡家屯鄭上汛五堡等處工程亦皆著重業飭道臚隨時相機修守不准略有疎忽至鄭工口門水勢祇緣收束搜淘跌塘過深探量最深之處仍舊有九丈餘尺之水兩壩埝占節經竭力盤廂悉皆高仰整齊並在迴溜喫緊處加拋磚石擋護西關第五十六七占衝缺處業已補齊察看兩壩新工現已一律保守平穩茲於八月十七日已交秋分往後當不致再有盛漲修防較易為力報聞○丁丑吳大澂奏臣昨將節逾秋分沁黃兩河水勢以及兩壩新工平穩緣由於八月二十八日專摺具奏在案伏查旬日以來各河水勢消長無多鄭工金門之水仍深九丈餘尺大溜緊靠西壩衝突至東壩壩頭奔騰而下情形雖未輕鬆所幸兩壩埝占早經層土層料不惜繩纜騎轍逐段追壓到底並派在工文武員弁晝夜分班輪流協力保守茲於九月初四

日已屆寒露兩壩已成埽占一律俱臻穩固不日接辦大工必須先將正雜料物趕緊辦辦所有稽料一項爲大工需用正宗現已遴派委員在東西兩壩附近壩頭以及北岸花園口東路王屋莊西路趙莊平皋灘等處分設民料廠五六所出示明定價值公平收買不經地方官役之手以杜苛派之弊各項雜料除驢馬櫟木均可就近採辦外應用燕麻一項須向遠處採運亦經派員分赴歸德西華閘口暨山東濟甯州江南徐州府著名產麻一帶定期購買以期不誤工用此外各工亦卽擇定日期次第興辦挑水壩如何生根添築引河身如何估計加挑容與前山東臬司潘駿文河北鎮崔廷桂察看河勢大定互相助準再行專摺奏聞報聞○李鴻章奏本年七月初六日永定河因上游出蛟山水暴發陡然興漲浪高堤頂數尺兩岸紛紛漫溢人力難施致南二工十七號大堤被刷成口五十餘丈奪溜旁趨又北上汛十二號大堤亦刷開五十餘丈過水二尺當將糧汛道員專摺奏參並自請議處欽奉諭旨趕緊堵築臣卽嚴督該署河道金福曾妥籌搶辦已將北上汛十二號漫口於七月內合龍附片陳明在案至南二工十七號漫口據署該河道先行盤築裏頭一面勘估大壩引河採辦正雜各料派員募夫開工因口門上游河身由北而南大溜直插堤根壩基實形喫重遂於迎溜坐灣處添築挑水壩一道將全河挑向北行其引河自十七號起至南四工三號止應挖三千五百餘丈又溝工一千七百餘丈凡地勢較高之處併

於正河內挑挖子河期與河底一律平坦惟秋水迭漲洶湧異常兩壩占埽屢被盤陷土橋後截同時淘刷而引河泥水沒脛且多流沙挑挖不易經金福曾親率員弁晝夜加勁搶辦至九月二十二日引河告成兩壩進占六十二丈祇留龍門四丈壩前水深三丈一尺察看風色順利卽於二十三日寅時掛纜合龍土料並進一氣追壓到底其時河水又漲高五尺土橋陡起翻化當卽啟放引河頭壩流入河一面趕下關門大壩撒手堵築又竭千百人之力於二十四日辰時全行閉氣金門立見斷流養水溢亦無滲漏工程穩固引河一律通暢大溜滔滔下注全河復歸故道臣預派候補道張紹華馳往查驗無異各據稟報前來伏查此次搶堵南二北上漫口正值秋汛水旺農忙夫少料未登塲辦理頗形棘手且南二當全溜之衝口寬水深工程尤極艱鉅今幸尅期集事妥速合龍堤外被水地面儘可淘復種麥堪以仰慰懸厯所有在事各員前報北上堵合片內聲明俟南工合龍奏乞 恩施已欽奉 批旨允准該員等履危蹈險胼胝經營將兩處大工剋期搶堵經費亦甚節省實屬異常奮勉有裨大局請擇其尤爲出力者仍循前次奏准成案援照山東及沁河合龍章程酌擬獎敘恭呈 御覽仰懇 天恩俯准照擬給獎以昭激勸 上諭李鴻章奏永定河漫口大工合龍一摺本年七月間永定河南二工十七號北上汛十二號大堤漫溢成口經李鴻章派委道員金福曾督同員弁挑挖引河築壩進占業據奏報北上汛十二號

堤工於七月十一日合龍茲復據奏南二工十七號大堤已於本月二十日合龍全河復甯故道辦理尙爲妥速在事出力人員自應量予獎敘著永定河道金福曾南岸同知鄭煥均著開復革職留任處分永清縣丞張善和著開復革職留工處分仍以原官歸本城補用著良鄉縣縣丞試用主簿趙福藩著開復頂戴其單開之知縣陳士彬等均著照所請獎勵○戊寅吳大澂奏上南河關關榮澤十堡工程緊要派員前往幫同買料以資應援緣山臣於秋分摺內曾將大概情形奏報在案伏查該工河勢自上游卽山根脚愈塌愈進對岸灘嘴愈撤愈大以致全河逼向南趨大溜堆注不移該汛九堡本無埝工現將存灘塌盡匯及堤工十堡卽築工舊日金門向有埝工二十段近年限於經費久已失修大壩埝占底料本早朽腐連年隔塌係屬當初所澆水復及警後工內幫寬存頂共合六七丈土性又極沙鬆一經此次歲險新生埝段屢鑿大堤亦隨之裂縫陸續坍塌情形實屬可危臣與署開歸陳許道朱壽鏞於籌辦大工百忙之中迭次臨工督飭該營兼籌撥辦已盡二十餘晝夜之力在九堡併獲新埝五段拋築石埝一段在十堡併補頭埝至十五埝埝工十五段拋築磚石壩埝二段並下十六埝至二十一埝亦在切坡放坦分投接兩並於堤工塌窄之處分別趕緊加幫臣目觀工程險要惟有嚴飭撤手辦理以期力保要工上副聖主廟念河防之至意得 旨昨據二十二日電報堤工情形當經降旨詢問是否過水尙未續接

電奏著該署督嚴飭在工員弁加緊搶辦務臻穩固以保要工

冬十月己卯朔時享 太廟 上親詣行禮○庚辰以方汝翼爲江西布政使唐樹柟爲甘肅按察使○

諭御史文郁奏八旗包衣屯居應試文童請飭核實送考一摺據稱八旗包衣例由佐領管領出具隨結歸京旗應考近來生齒日繁屯居遠在四鄉易滋弊混等語八旗包衣屯居應考自應遵照例章核實辦理著總管內務府大臣及八旗王公於包衣屯居報考時嚴飭該管官認真詳查冊檔核對確實方准歸入京旗一體考試以杜弊端○文郁奏自百論政皆以民爲邦本食爲民天我 皇上切念民生偶遇水旱偏災無不立沛 恩施爲羣黎計生活之路如本年直隸一帶水災甚廣一經奏報卽發款放賑並於應徵錢糧或酌量豁免或核計減成無論旗地民租必飭地方官先發賑款到切曉諭不准絲毫多取以期實惠及民乃近聞保定府屬安肅縣涿州唐縣地面有冒充王府職官王福泰等隨從多人車服奢麗頭戴三四品頂翎沿戶催租私設公案不分應徵應緩一概苛催稍有不送擅用非刑似此挾公害民在各王府或未必盡知而斯民之受害已非一家矣相應請 旨飭下直隸總督嚴諭所屬州縣遇有王府官役下鄉收租務須實力盤查遵例收取倘不訊明該府官役虛實一味徇情附和助紂爲虐別經發覺定將假冒職官之犯照例重懲該地方官照縱役殃民嚴議參處如此查辦倘能杜絕暴斂上可補恤災

之政下不累無辜之民矣 上諭御史文郁奏近聞直隸安肅縣涿州唐縣地方有冒充王府職官王福泰等隨從多人沿戶催租並私設公案擅用非刑等語奸民假冒職官騷擾平民大干法紀著李鴻章飭屬確切查明如有冒充等項情事卽行嚴拿懲辦○升奏奏奴才於八月初五日曾將傳諭第穆妥辦邊務及洋人增兵運糧藏番疑慮弗釋未能速行撤兵懇請 飭下總理各國事務衙門轉電印督彼此約期撤退暨藏中實在情形馳奏在案近日以來迭接邊報印兵日見增多屢次前來挑敵奴才竊思英人雖云不越冀熱勒巴拉嶺一步然藏番聚兵築壘爲久遠據守之謀該處本邊荒廢地向無界址洋人或隨意指地一段以爲藏人越入哲界遂狡而思逞是誠不可不防當卽飛札江孜守備蕭占先就近馳赴前敵力阻藏番不准妄動復嚴檄統領番軍之公謝噶布倫伊昂洛布汪曲貢令只准防守務須援兵不出如違卽制立即嚴辦一面仍督飭委員設法開導商上告以如格遵 諭旨卽不爲背約將來諸事均可商辦若必好勇鬪狠倘再一敗挫欲求保守現界而不能卽或萬一僥倖得勝試思爾藏番以爾爾小邦失去隆吐兵卡猶思忿爭況印度係屬強鄰雄視海濱縱使偶然失利又豈能遽罷兵戈恐仇怨愈深彼此兵事無已爾藏番雖賴我 朝庇蔭不至立見滅亡亦不免元氣大傷全藏虛耗爾等宜於熟思萬語千言譬喻百端爾焦舌敝舌等始稍有警悟同遞圖記公稟云藏番本擬七月初十五等日出兵

復仇因素有 大皇帝特旨又蒙大人迭次檄諭委員再三開導始行延至今日茲復諄諄告誡無一事不替唐古特設想並事事推誠相待我藏番豈無人心惟有恪遵 諭旨停戰靜候委員查辦旋又接第穆呼圖克圖並聞藏僧俗呈遞圖記公稟到案據稱洋人如能撤兵一切照舊藏番亦遵 旨不敢越界滋事如洋人必欲據哲孟雄地以爲己有則藏番仍難任彼橫行乞 奴才代陳愚悃等情前來查藏番固執成性自有洋務以來先後開導不下數年往復諄行迭據陳稟所言無非誓死相拒矢口不移刻蒙皇上指示機宜 奴才竭力開導該番等稍啟昏蒙始得有此一縫辦法正擬委員前往旋奉六月二十七日電傳 諭旨飭 奴才守定先解戰爭四字並蒙 訓示以 奴才前有親往帕隘之議親赴邊界商辦自較委員更爲妥協 聖慮周詳跪聆之下感悚難名 奴才前議本亟欲趕緊親往無如藏番滿腹猜疑冒昧前進恐多窒礙又聞該處地方民戶本稀近日逃亡已盡百物均須由藏採辦車木一帶並無房屋露宿野棲隨行官兵必得自備鍋飯藏番土兵萬有數千一朝遣撤駐藏大臣既在彼處不能不酌給賞需是以擬派委員前往辦理藉少糜費今印督既有不能久待一語恐邊情變於俄頃委員無力阻遏印兵再出則藏番疑慮叢生必至前功盡棄川防難撤所費又不僅賞需而已再四斟酌重輕自應遵 旨前往以冀早靖邊事 奴才現已遵帶委員酌調達木八旗官兵小隊數百馳赴兩敵之中住紮在藏番固不

敢再出牛事卽英人亦斷不能越奴才行營而撲藏疊但使戰爭先息卽當趕緊設法查明界址再行妥籌善後應請 飭下總理各國事務衙門轉電印督或親至英營前敵與奴才面議或由英廷另簡明練大員辦理庶幾早得戢事藏番卽可陸續分起遣歸除奴才夫馬齊集再行奏報啟程日期外所有開導藏番現已具稟停戰暨奴才馳赴邊界妥辦各緣由合由六百里馳陳伏乞 皇太后 皇上聖鑒訓示再藏中自用兵以來當差番民因差繁賦重十室九空逃亡不少藏庫早經支絀近又議減奴才馳赴邊境無時不形掣肘以致就道未能迅速藏番尙無阻留之舉合併陳明 上諭覽奏均悉該大臣甫經到任卽能盡心開導藏事已有轉機深堪嘉許刻下想已馳抵邊境著卽懷遵前有熟商妥辦以副委任並隨時將辦理情形速咨劉秉璋由電奏聞該衙門知道○辛巳予故原任雲貴總督劉長佑於湖南新寧縣原籍建祠○欽奉 慈禧端佑康頤昭豫莊誠皇太后懿旨吏部都察院奏遵旨嚴議禮部堂司各官處分一摺此次禮部堂司各官具奏典禮摺件於籤改宣示日期並不照續經吏部等衙門分別議以降調私罪本屬咎有應得惟念事關慶典量予從寬署禮部尙書紹祺尙書李鴻藻左侍郎敬信徐郅澂右侍郎清安右侍郎童華應得降四級調用處分及承辦司員郎中桂斌員外郎徐家鼎應得降五級調用處分均著加恩改爲革職留任李鴻藻原有革職留任處分並著加恩免其革任至尙書奎潤等承辦典

禮事件漫不經心致有外錯前次單擬告祭日期並不遵奉前旨查照會典辦理已難辭咎不能因其出差卸署概免置議尙書奎潤前署尙書祁世長右侍郎續昌均著降四級留任此係格外加恩嗣後該部辦理典禮事宜務當恪遵諭旨敬謹將事倘再有貽誤決不寬貸懷之○癸未欽奉 慈禧端佑康頤昭豫莊誠皇太后懿旨皇帝寅紹丕基春秋日富允宜擇賢作配佐理宮闈以協坤儀而輔君德茲選得副都統桂祥之女葉赫那拉氏端莊賢淑著立爲皇后特諭○欽奉 慈禧端佑康頤昭豫莊誠皇太后懿旨前任侍郎長敘之十五歲女他他拉氏著封爲瑤嬪原任侍郎長敘之十三歲女他他拉氏著封爲珍嬪○追予儘先提督原任九江鎮總兵黃開榜於江蘇高郵州建祠○乙酉色楞額奏奴才此次遵照條約派委錫伯營領隊大臣果極署察哈爾營領隊大臣德克津布會同查勘邊界牌博道路綿長頗需時日所有該領隊大臣等隨帶通事人夫裹攜餽糧暨補修牌博賞需等款目自應酌給銀兩以利進行伏查前次派員會查南北兩路牌博各帶官兵五十員名以資防護奴才仍飭該領隊大臣等各帶官兵五十員名援照歷辦成案每名發給四十日鹽菜並撥銀三百兩以備修補牌博賞需等項下部知之○戊子 慈禧端佑康頤昭豫莊誠皇太后萬壽聖節 上詣 慈禧宮行禮○癸巳諭潘祖蔭高鵬奏順屬情形懇恩賞撥京倉漕米以資冬撫一摺本年七月間連次大雨河堤漫溢山水暴漲房山縣及宛平

西北境內被災最重業經潘祖頤等籌款先行撫恤仍應籌辦冬撫以資接濟其通州等各州縣同時被水民情困苦並應一律賑撫加恩著照所請賞撥京倉米二萬石以備順屬冬撫之用卽著倉場侍郎照數發給由潘祖頤等查明被災處所分撥散放務使實惠及民毋任稍有弊混用副軫念民艱至意○甲午湖南提督周盛波卒予諡剛敏戰功事蹟交國史館立傳並准於安徽原籍及立功省分建祠○以馮斌爲湖南提督銜汝貴爲甘肅寧夏鎮總兵○乙未調衛榮光爲山西巡撫崧駿爲浙江巡撫剛毅爲江蘇巡撫○召陳韓來京以三品京堂候補調沈秉成爲安徽巡撫以高崇基爲廣西巡撫○吳大澂奏上南驛屬榮澤九十兩堡河溜側注蟹埽塌堤分投搶辦情形上於奏報寒露摺內附片陳明惟查該處對岸灘嘴挺峙河心逼溜全行南臥迅利非常以致各該埽段此兩彼蟹實屬搶辦不遑並於九月初七日親赴該工督同道總市將九堡搶護新埽五段拋築石岸一段十堡搶補舊埽十五段拋築磚石壩埽二段辦理稍有頭緒一面諭令切坡放坦接兩壩下埽段一面於初十日仍回東壩布置大工事宜孰知於十二日新壩各埽又見續塌在工兵夫幾致搶壩不及復據報險卽派革職留工道員董克紹添調委兵前往幫同搶辦正在分投撤手壩拋於二十一日晚間接據該道驛稟報新壩十段之九埽至十二埽淘刷過深紛紛墩壘大堤又見裂縫計長四十餘丈寬約四丈餘聞報之下隨即星馳西渡督飭搶護

至二十二日戊刻堤身裂縫之處前面一齊生陷後面塌工甚夥亦極危險臣親督該道驛在九埕上首添拋石垛一段情形略見穩定溜勢現已外移飭將墩壘各埕按段補遺經期保護堤身不再塌裂責成該管道驛妥速在工趕辦臣因西橋添築挑水壩業經興工必須動籌挑挖引河催辦工料勢不能不兼籌並顧遂於二十五日酉刻仍回東橋來查案得 旨知道了卽著督飭在工員弁妥速修護以保要工毋稍疏虞○劉銘傳奏本年六月間後山番變臺南北各軍分調助剿臺灣人情浮動適有嘉義鄉民械鬪諸言紛起臣飛飭統帶武毅軍提督朱煥明由彰化帶勇三百名前往督同所部駐防嘉義武毅右軍右營守備朱家齊巡緝彈壓拿辦著名積匪數名地方賴以安靜惟嘉義沿海一帶民貧而悍一夫倡率羣相蟻附八月二十九日據彰化縣電報鹿港鹽館被劫盜匪多至數百人聲言尅期攻城中路只有提督朱煥明一營調往駐嘉留彰防勇無多其道員林朝棟三營分布南山經臣飛檄飭調五百名出紮彰化九月初一日續據彰化縣電報土匪愈聚愈多不下數千圍攻城南北電綫俱爲毀斷臣當檄令林朝棟由葫蘆墩星夜赴援並飭駐防基隆總兵寶如田率帶銘軍三營六成隊伍都司鄭有勳抽帶隘勇五百名均由後墩至大甲會援該兩軍因瘟疫之後病勇過多而臺南各軍遠在埤南臺灣道唐景崧稟稱添募土勇一營臣復電商閩浙督臣楊昌濬卞寶第由閩派撥福甯鎮總兵曹志忠所部四營乘輪來臺

助剿一面飛調澎湖鎮總兵吳宏洛臺灣鎮總兵萬國本分向臺南北初五日據報如田稟報彰化新竹交界地方俱有土匪乘機搶劫文報梗塞彰化知縣李嘉棠專差問道告急據稱賊匪佔踞東門外八卦山頂分路攻城勢極洶湧當即招募勇二百名會同棟宇正營剿辦林超拔北路中營署都司葉永輝協力守禦並飭已革前署都司洪贊安招集義勇二百名登陴助守朱煥明於初一日由嘉義得信立即督隊回援所帶僅三百人距城三十里許被賊圍困身受重傷委副將葉慶盛戰一日離城數里鎗彈告罄弁勇傷亡百餘名其餘奔入城中該提督至白沙坑口血戰身亡十一日接據林朝棟初八日稟報初六日添募土勇一千名暫委從九林福溶縣丞林文榮分帶並由該鄉招集練勇八百名偃旗息鼓步步爲營紮至距北門里許之市仔尾是夜賊眾圍攻四城各帶竹梯爬牆經城頭鎗礮抵禦退卻林朝棟乘其無備親督林福溶於五鼓張號分路突出管帶棟宇副營副將余保元管帶衛隊把總林等兩面接應城內林超拔聞號開城出隊夾擊賊眾狂奔西門生擒賊匪六名陣斬賊首一十七級立解城圍乘勢奪回八卦橋要隘並由李嘉棠飭令洪贊安等督率義勇勇勇分投奪回馬祖廟番社口各莊抵暮收隊查明彰化匪首施九段王煥嘉義匪首李達楊中城等糾合餘黨三千餘人屯聚西南角離城不足十里林朝棟等分兵扼紮要隘整飭隊伍會商進剿十一日李嘉棠葉永輝駐守城內林朝棟督帶各營出城

攻剿先派洪鑾安及練首李定邦陳志曾等各率練勇分剿南路浦尾大岸頭尾等莊之賊知縣龍贊綱等率帶粵勇分剿中路頂簫平等莊之賊北路磚仔窰及中路平和厝等莊尤爲賊勢注重之地匪悍鎗多匪首俱聚於此林文榮帶領棟宇後營攻取磚仔窰口已革甘肅知縣張紀南隨同林青雲帶隊策應林福濟帶領棟宇前營攻取中路山三塊厝等莊而至平和厝文章林朝瑞隨同林超拔帶隊策應賊首王煥屯駐平和厝出圍接戰鎗彈如雨林朝棟督催林超拔向北包抄並令余保元由後掩襲環攻兩時之久陣斬先鋒鄭心丁一名賊匪三名奪獲偽旗偽令哨官鄭以金異常奮勇首先衝殺該匪力始不支藥莊奔潰磚仔窰亦經林文榮林青雲等同時攻破並由各營乘勝連破竹園二十一處陣斬賊首四十級生擒八賊隨時勦示奪獲竹梯數十具洋鐵籐牌及各項器械無算我軍受傷十七名餘賊奔潰西去此彰化解圍及攻剿大獲全勝之情形也賈如田鄒有勳兩軍初七日至大甲初八日聞報城圍已解遂會同馬牛頭紳士解散鹿港以東竊從之六十六莊十三日帶隊到彰吳宏洛一軍亦於十五日會同開復蒲司沈應奎馳抵彰城曹志忠一軍於十四日乘輪抵後隴風大未能登岸十七日復由基隆起旱前進現在大甲溪牛馬頭兩處萬國本一軍據報十二日由臺南府率隊啟行進駐嘉義臣飭沈應奎會商吳宏洛乘勢剿辦務獲首逆解散竊從以安良善據電報稱現探賊首施九段王煥等屯聚該匪所居

鏡水莊黨羽只數百人二十二日黎明吳宏洛督帶所部並銘軍士勇分三路往攻及至該莊匪已逃遁現經沈應奎出資贖拿所有脅從全行解散地方安謐如常惟據鹿港紳進士蔡德芳各袋紳來彰訴稱彰化縣知縣李昭棠性情剛愎不洽輿情且丈田不公任聽委員需索因失民心初一日賊匪圍城不足千人兩三日間煽惑沿海百餘莊叛民竟至五六千人若非救援迅速地方不堪設想請速更換等情臣查署彰化縣知縣李昭棠辦事草率紳民嘖有煩言藩司邵友濂屢請調員更換因地方繁劇一時擇人未定現在業經撤委惟該署令此次守城尙能堅定其在任有劣跡功過能否相抵已由臣檄飭沈應奎詳細查辦既係丈田不公任聽委員需索臣不敢因原保在先稍存迴護應請 旨飭部先將署彰化縣知縣李昭棠撤銷清賦保案聽候查辦至彰化城垣低薄素稱難守道員林朝棟未及旬日一律解圍破賊大局卽定實屬忠勇血性不顧嫌怨仗義急公擬懇 天恩將二品頂戴候補道林朝棟賞穿黃馬褂以示優獎其餘尤爲出力戰守官紳將弁可否准由臣彙入攻克呂家壩番社案內擇尤一併請獎之處出自 逾格鴻施統帶武毅軍記名提督朱煥明急於赴援力戰陣亡鱗傷徧體異常慘烈擬懇 天恩俯准於彰化縣城建立專祠 飭部照陣亡例從優議卹以慰忠魂 上諭劉銘傳奏彰化土匪搶劫鹽館圍攻城池先後剿平一摺本年八月鹿港鹽館土匪搶劫並圍攻彰化縣城池劉銘傳派令朱煥明林

胡棟等分路進剿立解城圍並連砍竹園二十一處斬獲多名荷從全行解散地方安謐如常辦理尙爲迅速候選道林朝棟著賞穿黃馬褂其餘出力官紳員弁著獎入呂家壩番社案內擇優請獎陣亡之記名提督朱煥明力戰捐軀深堪憫惻著照陣亡例從優議卹並加恩准於彰化縣城建立專祠以彰忠靈署彰化縣知縣李嘉辦軍草率不協與情著撤銷清賦保案仍交劉銘傳認真查辦逆匪施九段王煥等仍飭派出各軍嚴拿務獲毋任漏網以靖地方○丙申以游智開爲廣東布政使何樞爲四川按察使○己亥吳大澂奏臣前將節屆寒露兩壩掃占穩固並籌採辦物料情形於九月十七日專摺具奏在案伏查接辦大工必先將引河挑壩方向確切勘定使之鍼鋒相對方能入手築做施工挑挖臣與河北鎮總兵孫廷桂督同西壩總辦前山東臬司潘駿文東壩總辦鄧署開歸陳許道朱壽鏞連日親赴東西兩壩及引河頭地方確切腹勘互相討論並就黃河形勢之趨向逐細端詳原挖引河方向可以不必更改祇須將受淤段落估計加挑先期於九月初四日集夫堵築引河頭之關黃埝以便存水空乾即可分段挑挖該壩已於是月十九日堵築完竣現撥估挑工長一千零數十丈分作三十段迤下溝縫各工應否分別接挖容俟下游河身一律涸出較量高低再行定奪至引河勘明既可毋庸挪移則添築挑水壩應於西壩之五十一占生根挑向引河築做茲已擇吉於九月二十二日祭河興工兩壩採購稽料現派西

鹽民料廠暨趙莊五屋藍圍口四處料車較爲踴躍其餘平泉灘設廠未久東壩民料廠來路稍遠收數次之臣祇有督飭各廠委員放寬價值設法廣爲招徠以期不誤工用各項石料絡繹而來自可無虞缺乏九月十九日已交霜降兩壩已成埽占仰叨 聖恩福庇 河神效靈保守仍臻穩固堪以奏慰 宸廑得 旨覽奏均悉卽著督飭在工各員乘此河流未凍以前將挑淤築壩各事宜趕緊辦理刻期合龍以慰廑系○吳大澂奏臣維醫者治病必考其致病之故病者服藥必求其對症之方前事之師卽後來之鑒臣自到任以來日在河干與鄉村父老諮詢積事證以前人之紀載知豫省黃河之患非不能治病在不治而已築隄無善策鎮埽非久計其要在建壩以挑溜逼溜以攻沙溜入中泓河不著隄則隄身自固河患自輕鹽民中到省最久者敘言咸豐初年榮澤汛尙有磚石壩二十餘道隄外皆灘河溜離隄甚遠就壩鎮埽以防險而隄根之埽工甚少自爾漸失修不數年間廢棄殆盡河勢愈逼愈近埽段愈添愈多屬員救過不遑顧此失彼每遇險工輒成大患同治六年前上南同知鄒梁扶去石壩一道七年榮澤決口鄒梁投河自盡豫省紳民人人知之至今銜之刺骨然自榮工合龍以後舊時石壩並未補還臣實不解其故此次榮工生險大隄處處裂縫十堡九埽以下裂塌四十餘丈寬約四丈餘十六埽以下裂塌三十餘丈寬約四五丈不等隄岸沙鬆見水卽化搶修三十餘日危險異常河工人員以鎮埽爲能事及

至大溜圍注不移旋鑿旋築旋走幾至束手無策臣親督飭道廳趕拋石垛河底墊石不過一二尺而溜卽見鬆河員以爲鑿埽乃救急之計石壩非倉猝可圖不知兵家禦敵必能戰而後能守臣於河工亦創以戰爲守之說三四丈深之大溜投之以石似屬糜費錢糧乃石未出而溜卽外移此臣躬歷而目覩確有把握信之愈深持之愈堅始知水深溜激之時惟拋石足以救急其效十倍於埽工以石護埽溜緩而埽縴歷朝河臣如潘季馴靳輔梁毓英皆主建埽挑溜之議良不誣也現以數十年久廢之要工非一旦所能補築以數十道應修之大壩亦非一年所能竣工惟有於埽工撥款內力求核實撙節省得一萬卽多購一萬之石梁省得十萬卽多做十萬之壩工雖係善後事宜實應提前趕辦如中河驢頭堡大王廟前頂衝之石壩四堡迎溜處應添石壩八堡之人字壩托頭壩最爲緊要下南驢十七堡之順二壩十九堡之蓋壩二十堡之新挑壩等處均應接築加拋以固省城門戶趁此乾河修築人力易施否則鄭工合龍後明年春夏再出險必致措手不及臣惟有盡此心力先期設法修補存石多則用碎石存石少則兼收磚擇要以圖補得一段必有一段之效驗擬省士民屬望於臣之意甚深臣所以仰答朝廷知遇之心亦甚切雖不敢謂一治而病卽滅特戰愈於不治而病日增果能對症發藥一年而小效三五年後必有大效得 旨磚石挑溜歷著成效該督督既確見及此應卽照摺內所陳切實辦理以復前

規而弭隱患○辛丑升審奏奴才前於八月十八日將開導藏番具稟停戰親赴邊境各情形馳奏在案
奴才正在籌畫啟程忽迭接邊報云印兵於八月初八日出隊二百餘人前赴捻都納等山放礮挑戰藏
番又遣人於夜間繞過敵營偷取電線印營游哨之兵復將藏番取柴番卒捉去數人矛傷一人於是兩
營均有爭戰之心奴才前委署江孜守備馳往勸導恐其以一武員難於鈴束番官復委後藏糧務知縣
秀懷趕緊馳赴前敵會同力諭藏番詎八月十七日印兵出隊將哲孟雄地土全行收取十八日藏番以
捻都納印兵時來山頂施放鎗礮實距番營太近卽於夜間分隊赴捻都納兩山紮營連夜修築戰牆爲
防守計十九日天明洋兵見藏番扼紮兩山亦不便於己遂出隊直衝藏兵力不能支敗回姑布湫曲原
營洋人跟蹤來撲兩營不守狂追逐北藏番連夜奔逃以致咱利亞東朗熱等隘同日失去印兵復分股
包抄所有藏營番兵一萬數千全行敗潰鎗刀器械鍋帳什物殆盡滿道印兵追逐統帶噶布倫公爾伊
喜洛布汪曲於二十日敗回仁進岡適遇奴才委弁署江孜守備花翎都司儘先守備肅占先奉飭阻戰
到彼正遇該噶布倫狼狽奔逃伊喜洛布汪曲倉皇面告肅占先云洋兵火礮甚利萬難抵敵趕緊迅速
同走逃命爲是言語之間鎗聲不斷旋踵而至肅占先回告云我奉駐藏大臣札飭阻戰而來不料爾等
又復多事以致敗北如果洋人力追勢必全軍俱沒帕隘不保我係漢官究與汝等有間惟有此力阻

如洋人顧念和約或可旋師倘不能聽亦盡人事伊喜洛布汪曲見洋兵已近飛竄逃去肅占先旋卽整立江孜汛營旗一桿上書有漢字印兵遠處望見旋卽止鎗肅占先遣人往告聚委前來阻戰之故印洋統帶兵官名巴了色優又稱薩海者嘗云既有漢官應卽停戰卽約相見肅占先告以原委並阻其追殺英官允諾始未窮追面許靜候辦理惟云天氣已寒不能久待務請奴才速辦等語該洋官當擬將掠得藏番積存火藥轟燒仁進崗所有民舍當經肅占先以此乃我大清土地良番因藏番違旨用兵固已受累非淺小民何辜受此慘毒該洋官嘗云既係如此我們仰體大清國皇帝恩德斷不焚燒妄殺仍退原處紮營只將藏番所存火藥焚燒河中於二十二日撤退印兵仍紮對邦原營並云尙有信函致與駐藏大臣囑肅占先派一通事隨往取信肅占先見印兵業已還紮舊處藏兵一敗塗地驟無戰事當將逃竄山谷之民招回安撫然較之平時已十少七八該民人等無不感泣共稱我等全賴大皇帝恩德如唐古特仍欲用兵我等惟有逃走一法肅占先安撫既畢旋卽折回以免藏番生疑行至帕克哩得與糧務秀薩相遇此藏番戰敗潰散委弁阻回印兵收回失地流民之實在情形也奴才查藏番狡險昏頑實爲世所罕有奴才到任以來極力開導恨不能剖心以示無如該番等別具肺腑不解度德量力惟知聞卜降神卽如前次多方開導該第穆以至僧俗番官各處寺院大衆百姓均已各出圖記遊旨停

戰時候辦理乃有價值數人誠恐將來查辦不利於己賄囑吹忠從中播弄適邊界印藏兩營彼此挑釁
軍情變於俄頃突又戰爭以致全師敗潰除在哲境紮營處所全失不計外即確係藏界亦失去不下百
有餘里幸蒙 朝廷福蔭英官講信修睦竟憑委弁數語將爭戰所得之地全行退出仍紮對邦此皆仰
賴 聖德感化強鄰實非奴才等微力所能捍禦該藏番應如何感激遵 旨及早自謀挽救詎該藏番
以爲此役係印洋失信乘藏番已無戰志突然猛撲以致潰敗今具公稟懇其委屈仍意在復仇百般解
說從否尙在未定更有以此番戰敗係因遵 旨所誤昧心之言不堪入耳奴才前已致信英官云藏番
業已停戰許以赴邊辦理茲藏番新敗沿途百姓逃亡心急如焚不但諸務掣肘又恐失信英人且察番
藏番之心欲候駐藏大臣到彼尙有無限要挾之求意在索要哲孟雄布魯克巴全土此等意願匪特奴
才力所不能卽前奉 諭旨亦云此一段地方英人早已視爲保護境內縱令先期撤卡已難以口舌相
爭況今已疊次交鋒兵爭所得決不再讓 聖訓煌煌敢無領會此奴才所以必先將藏番妄念全消然
後可以往辦以免進退維谷今則事機緊迫惟有極力設法前往力圖挽救至此次商上僧俗戰敗喪師
自應將辦理不善之第穆呼圖克圖及不遵節制敗潰失地之公魯噶布倫伊喜洛布汪曲照例參處惟
刻下各呼圖克圖均未及歲接辦無人藏事亦未定局伊喜洛布汪曲尙在帕隘招集散敗之兵可否仰

邀 聖恩俟將來事定之後再行分別功過辦理抑先交該衙門議處之處出自 逾格鴻慈奴才撫綏
無狀僭切悚惶惟有盡力設法相機妥辦並隨時偵探開導以冀轉圜又密奏奴才於八月二十九日接
得藏番失利之信卽應飛速具奏因署江孜守備蕭占先稟稱洋官帶去通事一名云有信函致藏故擬
接得洋信是何確情一併奏陳昨初八日洋信始到並無漢字只有番洋兩文譯其夷信大意謂藏番行
爲奸詐刁惡印督及薩海等於今正月初九月二十二等日兩次致信藏番不拆不看原信遞回茲特照
鈔兩信前來第刻已迭次交兵卽前信所擬各節不知伊國現在行與不行請奴才約明相見之地迅速
往辦又致蕭占先一函則云天氣已寒萬難久待亦促奴才速往其意以爲等候不到不免仍有戰事等
情藏番又因敗潰羞惱和戰之心尙在未定奴才本欲速往查辦始則因邊辦之稟未上又以用兵之際
夫馬難集更兼藏番意在要求哲孟雄布魯克巴全土無理無情居心太不可問奴才前奏相機辦理是
以未敢冒昧遽往今則洋人以天寒不能久待倘再遷延印兵一出江孜則兩藏隔絕查看番情並無志
切同讎之概戰敗各兵私投不少沿站百姓均因差繁痛恨商上倘再有戰事人心已離此後事宜何可
設想審度重輕惟有先往力阻顧全藏境乃爲切要但藏番存心至惡而至險每目漢官爲洋黨開導委
員但據理而談則大拂其犬羊之性每以人衆挾制我駐藏官兵無多力不能勒令辦理此歷任大臣之

所以曲爲該番掩飾白事遷就者職是故也奴才此番馳往籌辦縱使暫解兵戈而藏番見洋人既退其膽愈張彼時駐藏大臣不爲之索要哲布全土雖保不藉防堵之兵恃其人家任意爲難此等舉動乃情理之所必無而番情實爲難測奴才但求竭心力之所能爲上賴 國威或無他故惟此間一切爲難棘手實情不敢不預爲遞陳無任屏營待 命之至再英官來函有英文信二件此間無人能悉已咨送總理衙門照譯包內有致送呢片衣料三件奴才答以川綢兩疋又問洋營並無通曉漢文漢語之人應否由總理各國事務衙門轉電印督覓派漢語通事以免重譯隔閡之處伏乞 聖裁 上諭軍機大臣等升奏奏印藏挑釁交戰藏兵潰敗情形並遞陳棘手實情各摺片覽奏均悉藏番此次私犯敵營又致大敗昏愚頑梗可爲痛恨若非肅占先臨機應變阻遏英兵藏中情形幾同瓦解該守備膽識可靠著傳旨獎勵俟事定後從優保奏第程呼圖克圖辦理不啻囑布倫伊烏洛布汪曲不遵節制均有應得之咎姑念藏事尚未定局著先傳旨嚴行申飭仍責令約束番衆如再滋事端定卽從重懲辦升奏抵藏後布岱一切均尙中肯目前印藏情形非該大臣親赴邊界與英官面議終難定局且事機亦萬難再緩據英使華爾身告知總理衙門有該大臣於十月十二日啟程之說著卽懷邊疊次諭旨熟商妥辦該大臣務當勉爲其難竭力開導綏靖邊疆以副委任一面先將會商情形飛咨劉秉璋由電奏聞至請電印督添派

漢文通事一節已飭總理衙門酌數辦理矣將此由五百里諭令知之○升奉奏藏印交涉一案辦理有年每遇漢番會議商上辦事僧俗衆多誠如 聖諭所派委員必須通達大體而又熟習藏番情性方能於事有濟前派委員理藩院司員裕綱西藏糧員黃紹勳拉里糧員王葆恆該員等屢經開導頗稱勤慎惟王葆恆現在丁憂回籍僅有兩員實覺不敷應事刻值邊防喫緊番衆昏頑亟應添派委員以資開導茲查有察木多糧員花翎補用直隸州四川候補知縣梅志文幹練有爲極耐勞苦於藏番情性亦極熟悉堪以接充王葆恆遺額而期有濟報聞○甲辰雪○乙巳童華因病奏請開缺不允仍賞假一月○滿蒙奏據布政使史念祖會同營後礦務兩局司道著按察使黃元善會同儲道儲裕立詳稱案准總理江南製造局兼辦貴州機器礦務候選道潘露移稱上年購辦鍊鐵機器據外洋裝船報單分三起起解共重一千七百八十餘墩每墩以一千六百八十斤合計華秤共重二萬九千九百餘墩到滬由滬僱船裝運前來均須立架按件起重由湖南常德而上灘高水淺又須按件起駁頭批機器已於八月中旬運到青谿縣二三批亦跟蹤而來所帶各項工匠同時抵青即日開工起造安配擬於年內開鑪鍊鐵惟工程甚鉅所需經費雖經招有股分一時未能收齊目前用款正殷移請籌畫接濟等因該司道等查機器之設原爲地方興利起見然購自外洋節節轉運迄今二年之久始行運到可見創始之難又查開採煤炭

鐵礦成色均佳山桐極旺機器既到開鑪有期誠為幸事惟所集商款催繳難齊大抵因歷年股票無憑富商受累此次非見開鑪出鐵勢難踴躍輸公所幸現在機器及製造工匠均已到青是開鑪有期似未可專候商款坐失事機溯查去今兩年凡遇該廠用項如付機器價值修建廠房碼頭等款歷經該司道等設法籌措或由商騰挪或於款金項下暫撥均量緩急收股歸還幸無貽誤茲既機器到青應一面由該司道等設法再籌酌量接濟一面請飭該道迅即定期年內開鑪俾商股易於催集陸續歸款庶成此興利盛舉並請查核具奏等情到臣據此臣查黔地瘠苦惟鐵為自有之產是以奏明派員前赴外洋購辦機器在鎮遠府屬之青谿地方開設鐵廠以興大利茲據道員潘押運機器工匠陸續到青業已開工起造安配大工將竟祇以所集商款催繳難齊而需用正殷勢難坐待移由該司道等公同商酌或向商號騰挪或於款金項下暫撥酌量緩急收股歸還似此略一轉移不致坐困實於廠務大有裨益下戶部知之○丙午中法滿越邊界聯接電綫章程十二款成其文曰 第一款 中國法國在中國與北圻邊界相接電綫以通條款內所註明之所有一切電報 第二款 中法電綫訂明在三處相接一法國在北圻之同登地方電局與中國廣西省之鎮南關電局互相接綫二法國在北圻之芒街即蒙開地方電局與中國廣東省之東興電局互相接綫三法國在北圻之保勝即老開地方電局與中國雲南省之蒙

自電局互相接綫此條款俟奏明中國 國家批准之後鎮南關與同登兩局迅速接綫至於東興與蒙
開並蒙自與老開兩處訂明條款 批准後十八箇月之內接綫 第三款 中法兩電報總局所應辦
之邊界相連接綫及保護修理電綫並設局管理電綫以上各項兩國彼此在本界限內各自出資辦理
約明均不侵越邊界尺寸地步兩電局互相接綫之後即用此綫傳遞電報 第四款 所有電報由中
法相接之早綫收發傳遞者均照萬國公例所定歐洲以外電報章程辦理至於中國與北圻越南西貢
真臘來往電報算字一節照萬國公例所定歐洲以內電報章程辦理 第五款 所有電報經過中法
兩電局早綫者以兩國界限為止各自定價收費惟兩局約明照此條款之第六款註明價目取資條款
年限以內不得再有增加如須減價各隨其便 第六款 照第二款議定接綫之後傳遞電報價目每
字取費若干列明於左一中國電報局於中國全境各局與他國來往電報每字取資價目越南北圻西
貢真臘暹羅等處電報由中國與北圻邊界相接之綫傳遞與中國之廣東廣西雲南各局來往者每字
七十五生丁所有各局在長江以及長江以南來往者每字一法郎二十五生丁除朝鮮外所有各局在
長江以及長江以北來往者每字二法郎二十五生丁朝鮮各局來往者每字二法郎五十生丁二所有
中國全境各局與歐洲並歐洲過去各國來往由中國北圻邊界相接之綫傳遞者每字五法郎五十生

丁三所有他國電報由中國北圻邊界相接之綫與中國廣東廣西雲南各局來往者每字一法郎所有各局在長江以及長江以南來往者每字一法郎五十生丁除朝鮮外所有各局在長江以及長江以北來往者每字二法郎二十五生丁朝鮮各局來往者每字二法郎五十生丁四所有電報歐洲並歐洲過去諸國由中國北圻邊界相接之綫傳遞經過中國全綫及中國各處邊界傳遞來往者每字五法郎五十生丁五所有電報由中國北圻邊界相接之綫傳遞與香港來往者每字七十五生丁廈門福州上海來往者每字一法郎二十五生丁中國各處邊陸傳遞來往者每字二法郎五十生丁法國電報價目一所有電報由中國邊界早綫傳遞與北圻來往者每字十五生丁與越南來往者每字三十生丁與西貢與臘來往者每字四十五生丁二所有電報由中國邊界經過法綫與他國來往者每字五十生丁與海防上岸之水綫來往者每字二十生丁與越南京城順化上岸之水綫來往者每字三十生丁與西貢上岸之水綫來往者每字五十生丁 第七款 上款註明之中法兩電局所有各電報分局地名另行鈔錄一紙黏於條款之後 第八款 寄報之人如不註明由何路傳遞中法兩電局議定如中法相接之早綫價目較別路便宜此等不註明何路傳遞之報全歸中法相接早綫寄發如中法相接之早綫價目與別路一樣此等不註明何路傳遞之報最少一半須歸中法早綫寄發 第九款 中法兩電局邊界

接綫之兩分局每日須將來往之電報字數對清所有賬目須於每月月底結算清楚賬目數尾應歸法電局者卽交付西貢之法國電報總局應歸華電局者卽交付上海之中國電報總局須不得過每月結賬後十日之外一律付清所有算賬付賬電報均作二等公報月份日期均照西歷 第十款 算付賬目全用洋銀每法郎作洋銀二角六分 第十一款 此條款畫押卽行奏請中國 國家批准之後便可照辦並約明畫押之後以十五年爲期限期滿之後不論何時或中或法如欲將此條款停止以及更改應於六箇月前預先知照如不於六箇月以前知照要停止或要更改則仍行照前辦理惟中法兩電報局訂定將來中國與歐洲以及歐洲以外諸國來往電報價目照現在中國電報局與東北兩海綫公司簽定者如有所更改則法國電報局亦得照樣改減 第十二款 雲南蒙自與北圻老開相連電綫因上款言明十八箇月方能接綫今約明蒙自老開兩分局未接綫之前如有電報由中法別處相接之綫傳遞與雲南來往者仍照各局在長江以及長江以南者第六款所定報價一律取資○丁未岑毓英等奏查光緒九年吏部通行章程內開拿獲著名大盜准將首先拿獲之員指定應升官階保奏其協獲之員祇准給予加一級等因在案茲查光緒十三年十月昭通府屬思安縣之韭菜坪地方有匪首黃定壽等潛聚土匪號召亡命爲先前撲城殲除之匪首卽招詳復仇希圖竊發經署該縣韓再蘭訪知舉商

昭通鎮府派委管帶戰兵升用參將劉元雲會同該縣各帶兵差不動聲色於二十五日連夜馳抵該處四面圍拿該匪放鎗拒捕率衆衝突韓再蘭劉元雲躬督兵役合力圍攻該匪拚命拒敵相持不下經韓再蘭大呼祇拿首要免究脅從匪黨各願命奔逃遂將首要黃定菴耿淦山殷虎停陳沅保等四名登時擒獲器械刀桿洋鎗等件押解回城查點兵差受傷各祇一人餘匪皆由後山奔逃四散時未天曉山路崎嶇未能窮追昭通府知府高椿督同韓再蘭提審黃定菴等四犯各供認先曾聽從土匪卯招詳撤二開攻撲府城該匪黃定菴復起意糾合耿淦山等招聚匪黨意圖復仇不諱正稟辦間忽紛紛傳言該匪黨與潛混入城有劫獄之舉城廂人心驚慌該府縣因恐變生不測危在呼吸卽提該四犯先行正法傳首示衆藉以鎮定人心一面稟報等伏查前次昭通府土匪卯招詳滋事一案以地方文武漫無覺察遂致攻撲郡城戕傷官弁迨經平息猶設防費帑又二三年始獲安靜迄今事隔六年該匪黃定菴等猶敢嘯聚匪黨復圖報仇其變已在眉睫若非先事破獲消患未形興師勞費又將不堪設想今經該文武登時破獲訊明正法人心鎮定如常辦理深合機宜不無微勞足錄據潘臬兩司會同善後局司道詳請奏獎前來所有首先舉發親獲巨匪之花翎四品銜補用同知直隸州署恩安縣事請補平彝縣知縣韓再蘭合無仰懇 天恩俟補同知直隸州後以知府在任前先補用升用參將留黔儘先補用遊擊劉元

雲卿率兵勇協獲巨匪核其勞績實與戰功無異較之協獲尋常巨盜之案不同叩懇 天恩逾格從優
賞加副將銜俾昭激勵而勵戎行實於地方有裨下部知之○是月比利時國使臣維禮用回任